

欽定石渠寶笈續編

欽定石渠寶笈續編

第十九

養心殿藏四

列朝名人書畫三

沈周天台山圖一卷

〔本幅〕素牋本縱一尺一寸橫一丈二尺八寸五分設色畫天台山全圖款沈周鈐印一啟
南後幅自題

端居困沈鬱薄遊暢幽懷天台夙所慕素志
今始諧陟境思已清歷覽萬象該屹如錦屏

列架若青蓮開一柱擎天起日月相往回羣
峯走其下聯絡羅嬰孩誰提并州剪越羅不
可裁誰立趙壁幘功氣那能推玉女跨雙鸞
昂身熬霞堆邀我綰卓華灑墨題蒼崖石渠
險莫測飛虹架回溪側足難徑度行立空徘徊
細或云神斧運剗削搜坤倪或云洪濤衝
激遺筋骸詭狀欲窮詰妄執成疑猜龍湫洩
嵌竇跳珠散瓊玖粗然隨長風雲霧排空來
詎那清淨觀踟躕跌據崇臺佛刹十有八廢址
涵萬菜存者僅六七甲乙推次排餘仁據其
會金碧耀璇題鍾梵達初答錫流互相揭遙
尋謝公跳陟嶺登崔嵬摩挲舊碑碣殘缺湮
莓苔懷賢發清嘯驚起猿聲哀更欲尋雁湖
有與倦扳躋從遊諸君子秀拔皆英杰主席
二老禪法相真獅現欵留勳洽旬展席頓尊
疊廢和鏗金石談笑驅風雷懸車絕塵相此

樂信悠哉採芝與斷苓聖訓近可緣維昔李
謫仙名與廬山齊覽勝發豪句曠達真吾儕
人生百年內弱草棲繡埃題詩紀歲月重遊
能幾回成化甲辰重陽後三日長洲沈周畫
并題鈴印三沈啟南氏白石翁煮石亭

鑒藏寶室

八
全
重

沈周南軒圖 一卷

〔本幅〕素戕本。縱八寸三分。橫三尺四寸六分。設色畫竹樹繞廬。背山而水。堂中坐五人。聽琴觀弈。一人自山徑來。童子五。自題。幽居繁並青松住。小徑斜連綠樹深。羣聚晏然無個事。或開書卷或調琴。公暉丁君每談其山居之樂。欲一遊之而未果。因讀桂君南軒記。恍如身入其中。領略諸名勝。予先補圖。他日乘

興造之庶不為生客耳。長洲沈周鈴印一啓
南。

御題行書。

軒榭灑然清。琴書許暢情。山蒼仁體現。樹古靜
風生。活火烹商鼎。枯槁對晉枰。恍如佳義侶。聯
袂暴南榮。有鶴足稱清。無梅也覺情。水流還
似昔。客到不嫌生。梧影圍垂幕。苔紋亂點枰。古
今商榷處。直欲傲桓榮。丁卯新春御題。鈴寶。

四。幾暇怡情。得佳趣。激觀會心不遠。

引首南軒。

書八分

易菴鈴印二。桂新學氏系出

司空八百年。

後幅前人記詩。

南軒記。客有告余曰。儒林丁公。雖義士也。嘗作一室於所居之南。曰南軒。而因以為己號。吾不知其所處也。子為之客。必知其所志矣。蓋為我言之。子謂南者。離火之位。陽明之地也。於方為午。於時為夏。於行為火。而南方之火。實生中央之土。則萬物以時而暢茂。百穀以時而長成。故聖人則之。治必南面。而陽道行焉。則民物阜蕃。天地交泰。否則非矣。南之

為義大矣哉。公唯之為是名。必其知界。辱幽
汚之當去。陽明高朗之當涉者矣。觀其天日
昭霽。南風扇涼。八窓洞開時。則與二三士友。
列坐其間。或誦詩。或彈琴。或味周孔之言。既
暇。則持觴飲醪。醉而後已。斯時也。視天地為
一心。觀萬物為一體。有離陽長養之仁。無私
陰否塞之氣。陶陶焉。如如焉。尚不知天地萬物
其吾乎。吾其天地萬物乎。客曰。南軒之樂。信樂
矣。未聞樂及乎人也。是不然。人之為人。道德
在己。窮達在天。彼既以南方陽德。自樂於窮
賡。則其達而為用。不過推是而已。客曰。唯。遂
書以為記。時天順四年。菊節。慈溪桂新學書。
鈴印五。天香舊譜。自弱。法古立言。月中一支。
系出司空八百年。
為說南軒碩德翁。平生高潔許誰同。一杆恭
局消長夏。三尺綠桐奏凱風。周台性情探不

厭湖山景致樂無窮。只今天子求賢急。指日
應來起卧龍。四明師心生。

鑒藏寶璽

全

收傳印記三餘堂圖書記。朱之赤鑒賞。休寧
朱之赤珍藏圖書。畱耕堂印。趙國秉。清真山
人藏。

沈周畫韓愈畫記一卷

[本幅絹本縱一尺一寸四分橫三丈三尺一寸。設色畫依韓愈畫記中人物什器無名款。御題行書。

山水由來本擅場。那更人物學中唐。却看衫履多拘束。無碍神情自發揚。韓氏佳篇文氏錄。沈家奇蹟項家藏。秋卿有意秋貳獻。憶舊翻因引念長。己亥仲春下澣御題。鈐寶二。乾隆。

牛牽者三人。驢驅者四人。一杖而負者。婦人。孺子。載而可見者六人。載而上下者三人。孺子戲者九人。凡人之主事三十有二。馬大。小百二十。十有三。而莫有同者焉。馬大者九匹。於馬之中。又有上者。下者。焉。行者。牽者。奔者。涉者。陸者。翹者。顧者。鳴者。寢者。訛者。立者。訖者。飲者。溲者。陟者。降者。痒。磨。樹者。嚙者。嗅者。喜而相戲者。怒相蹊齧者。狝。磨。樹者。嚙者。嗅者。走者。載服物者。載狐兔者。凡馬之事二十有七。馬大。小八十有三。而莫有同者焉。牛大。小十一頭。索駝三頭。驢如索駝之數。而加其一焉。隼一。犬。羊。狐。兔。麋。鹿。共三十。旗車三兩。雜兵器。弓矢。旌旗。刀劍。矛楯。弓服。矢房。甲冑之屬。餅。盂。簋。筥。筐。官錡。釜。飲食服用之器。壺。矢。博奕之具。二百五十有一。皆曲極其妙。貞元甲戌年。余在京師。甚無事。同居有獨孤生申。

叔者始得此畫而與余彈碁。余勝而獲焉。意甚惜之。以為非一工人之所能運思。蓋策集衆工人之所長耳。雖百金不願易也。明年出京師至河陽。與二三客論品格。因出而觀之。座有趙侍御者。君子人也。見之戚然若有感。少而進曰。噫。余手之模也。亡之且二十年。余少時常有志乎茲事。得國本絕人事而模得之。遊閩中而喪焉。居閒處獨日往來余懷也。以其始為之勞。而夙好之篤也。今雖遇之力不能為已。且命工人存其大都焉。余既甚愛之。又感趙君之事。因以贈之。而記其人物之形狀與數。而時觀之以自釋焉。嘉靖戊午八月廿又四日。為項君子京書。徵明鈐印二。文徵明印。衡山。

沈石田畫韓文公畫記圖。文衡山書。墨林項元汴真賞明嘉靖三十一年春三月上巳裝

池。鈐印二。項元汴印。子京父印。下有幸字編

臣汝誠謹按。此卷為沈周國韓愈畫記。文徵明繕記於後。乃臣里項氏天籟閣世守之珍也。卷末有元汴裝池題為石田畫而周不自署款。考明嘉隆間。項氏元汴嗜古精繪事。蓄書畫甲天下。當時勝流詞客。履屐交橫。尺疏文錄。往往脫稿。即以投贈。楮尾多有無款識者。臣父臣錢陳羣少時猶及見其家收藏。翰繪數厨。此卷在焉。里中鑒賞家亦謂是卷書畫雙妙。為墨林佳構。臣父歸田後。留心於親串中。訪購得之。嘗謂石田此卷為盛年筆。所稱於北苑。營邱尤得心印者。此殆近之。衡山錄韓記亦得意書。允當珍之。

秘笈而未及呈
進。臣謹附綴緣起。恭呈

幾餘品鑒敬奉

云。臣錢汝誠恭識。鈐印二。臣。汝誠。

鑒藏寶璽

八璽

五福五代堂古稀天子寶。八徵耄

念之寶。

收傳印記。文徵明印。衡山。文仲子山。印。半龍文

私印。墨林。印。半項元汴印。項氏秘笈。寄傲。子孫

永保。墨林山人。項子京家珍藏。菴主。印。半子孫

世昌。項墨林鑒賞章之圖。印。半天籟閣。退密。虛

朗齋。墨林秘玩。項墨林父秘笈之印。子京。印。半

子京父神遊心賞。桃里游方之外。項叔子。項
墨林印。樵李項氏士家寶玩。褚耕。印。

沈周芝鵲圖 一軸

本幅絹本。縱五尺五寸四分。橫二尺八寸。淺設色。畫修篁巖石。白鵲彩芝。一人敷簟靜觀。題款。已知仁術壽生涯。醫國高垣暨太霞。小住人間一千歲。青精為飯酒松花。鄉生沈周。奉壽璞菴先生金石之筭。鈐印一。啓南。

沈周畫廬山高一軸

〔本幅〕宋箋本。縱六尺。橫三尺五分。淺設色畫。

鱸峯瀑布景。一人星冠立眺。自題廬山高。書。

廬山高。高乎哉。鬱然二百五十里之盤踞。岌

乎二千三百丈之巖從。謂即敷淺原。崕嶠何

敢爭其雄。西來天塹濯其足。雲霞日夕吞吐

乎其胷。迴崖沓嶂鬼手擘。磴道千丈開鴻濛。

瀑流淙淙瀉不極。雷霆殷地聞者耳欲聾。時

有落葉於其間。直下彭蠡。流霜紅。金膏水碧。
不可覓。石林幽黑。號綠熊。其陽諸峯五老人。
或疑緯星之精墮自空。陳夫子。今仲弓。世家
廬之下。有元殿。祖遷江東。尚知廬靈有默契。
不遠千里鍾於公。公亦西望懷故都。便欲往
依五老巢雲松。昔聞紫陽妃六老。不妨添公
相與成七翁。我嘗遊公門。仰公彌高廬不崇。
邱園肥遯七十禩。著作捐捐白髮如秋蓬。文

能合墳詩合雅。自得樂地於其中。榮名利祿
雲過眼。上不作書。自薦下不公相通。公乎浩
蕩在物表。黃鵠高舉凌夫風。成化丁亥端陽
日。門生長洲沈周詩畫。敬為醒菴有道尊先
生壽。

御題行書

倒看詭石立看濤。卜宅惟應賦楚騷。若與廬山
相較量。石田豪興比陳高。乙亥夏。御題。鈐寶。

三。乾隆幾暇臨池。

鑒藏寶璽

八璽全

收傳印記真賞。丹誠琴書堂。都尉耿信公書畫之章。台信公珍賞。珍祕宜爾子孫。晴雲書屋珍藏。長宜子孫。雲間刺史耿繼訓印。宗家重貴。

楊慎禹碑考證

一卷

本幅素牋本。縱九寸二分。橫一丈二尺五寸六分。行書。禹碑歌。序曰。慎少好古文篆籀。求遺刻逸迹。罔不徧。嘗讀劉禹錫寄呂衡州化光詩云。傳聞祝融峰。上有神禹銘。古石琅玕姿。秘文龍虎形。以為碑刻莫古於此。然劉實未之目見。蓋意之耳。又讀韓退之峴嵎山詩云。峴嵎山尖神禹碑。字青石赤形模奇。

科斗拳身。璚倒披。鸞漂鳳泊。拏虎螭。事嚴跡
悶。鬼莫窺。道人獨上。偶見之。我來咨嗟涕漣
漉。千搜萬索何處有。森森綠樹猿猱悲。據其
詩語。雖至其地。亦未獲一見也。宋朱晦翁與
南軒二公遊南岳。搜竒訪異。形於詩文。未有
一言及於禹刻者。使其見之。豈應遺之。其後
朱子註韓文。遂謂衡山實無此碑。予以茲益
以為剝泐無跡。徒致畫餅之悅耳。吾友碧泉

張子。自楚憲拜表過家相晤。執手謂予曰。吾
新得神禹碑刻。子豈願見之乎。出墨本巨軸。
則整然無刊。起而展之。笑與竹會。其字方廣
幾八寸。其文云。永帝曰。嗟。冀輔佐卿。水處與
登。鳥獸之門。參身洪流。而明發爾興。久旅忘
家。宿嶽麓庭。智營形折。心罔不辰。往求平定。
華嶽泰衡。鬱塞昏徙。南瀆衍亨。衣制食備。萬
國其寧。竄舞永奔。字畫既奇。文辭又古。然好

古如韓劉兩公。不獲一見。而歐陽永叔作集古錄。趙明誠著金石錄。鄭漁仲編金石略。夏英公粹古篆韻。未得收錄。以篆學專門如楊桓。張有。周伯溫。趙古則。并其名未之省識。予也生三千餘年之後。得見諸公所未見。以湏耳瑰目。亦厚幸矣哉。乃知古人奇書石刻。咸以為亡者未必亡。而好古之士。不必以晚生於世為恨也已。往年在京師。得石鼓文完本。

今又得茲碑。斯文在天地間。真有鬼神靈怪
呵護保持之。而顯晦亦自有時。非人力與。賞
歎之餘。作禹碑歌一首。雖不腆之辭。不足望
韓蘇二公之石鼓歌萬一。然極是刻之仰止。
盡此碑之顯晦。非予其誰宜為者。且禹功倍
蓰於宣王。而禹篆又超絕乎史籀。附驥假龍
於千古。騰價爭光於二公。實情茲乎。神禹碑
在岫嶠尖。祝融之峰凌朱炎。龍畫旁分結構。

古。螺書匾刻戈鋒鉅。萬八千丈不可上。仙局
鬼閉幽以潛。昌黎南遷曾一過。紛披芙蓉褰
水簾。天柱夜瞰星辰下。雲堂朝見陽輝暹。追
尋夏載赤石峻。封埋古刻蒼苔黏。拳蚪倒薤
形已近。鸞漂鳳泊辭何纖。墨本流傳世應罕。
青字名狀人空瞻。永叔明誠兩好事。集古金
石窮該無。胡為至寶反棄置。拮據磨蟻捐烏
蟾。又聞朱張遊岳楚。霽雪天風影裾蹶。搜靈

索秘跡欲徧。春倡撞和詩無厭。七日崎嶇如
有覿。一字不道那容謙。非關屐齒阻險絕。定
是藤葛迷窺覷。好古予生恨太晚。拜嘉君貺
情深忭。老眼增明若發覆。尺喙禁齟如交籍。
華岳泰衡僅剖析。鬱塞昏徙尤森嚴。七十七
字弩螭虎。三千餘歲叢蛇蚺。文章顯晦由真
宰。風雷呵護徒羸黔。君不見周王石鼓半已
泐。秦家詛楚金皆燼。此碑雖存豈易得。祇恐

羽化難留淹。欲摹拓本鐫巖壁。竊號小岫分
別瀋。著書重訂金石考。裝帖新耀瓊英籤。煙
華輕翰蟬翅搨。煩君再寄西飛鵲。跋禹碑。
晉志云。禹受綠字。墨數云。禹作鐘鼎書。尚
書緯云。元龜負文列於背。神禹第之成九類。
任昉述異記云。崆峒山有禹碣。今淳化閣帖
卷首有禹書十二字。嗚呼。禹功非惟萬世永
賴。其制作亦文字之祖乎。再跋禹碑。劉

禹錫韓退之體狀禹篆之形。曰琅玕龍虎。曰
拳蚪倒薤。曰鸞漂鳳泊。皆未經目而徒想像
之辭。如唐人評右軍字。獨鶴遊天。羣鴻戲海
之語。泛而不切。誇而無實。予獨愛唐崔融云。
於鏐大禹。顯允天德。龍畫旁分。螺書匾刻。非
親見此碑。深曉篆窟。不能為此言。所謂匾刻。
尤得其神。南唐徐楚金謂篆書以螺匾為難。
即螺書之遺法也。非久於墨池筆塚間者。亦

不能賞于此鑒耳。三跋禹碑。禹碑釋文
第十六句。舊讀作南暴昌言。予疑文義不貫。
字跡亦不類。思之不得。是夕夢見魚首黃衣
人。指謂余曰。此南濱衍亨四字也。寤而觀之。
形義兩協。其所謂思之不通鬼神通之耶。博
南山人楊慎鈐印二。臣楊慎玉堂金馬。

鑒藏寶壘

八壘全。

收傳印記。孺古學而未能令之。仙客式古堂。

書畫式古堂。

謹案是跡見書畫彙考序中張耒字季文號
碧泉雲南安寧人嘉靖癸未進士官湖廣兵
備道晉四川巡撫初賜金帛致仕歸里序所
云拜表過家也。

祝允明書東坡遊記 一卷

本幅粉箋本。縱四寸二分。橫八尺四寸。楷書。

東坡遊記。元豐六年十月十二日夜。解衣欲睡。月色入戶。欣然起行。念無與樂者。遂至承天寺尋張懷民。亦未寢。相與步於中庭。庭下如積水空明。水中荇藻交橫。蓋竹柏影也。何夜無月。何處無竹。但少閒人如吾兩人耳。黃州東南三十里為沙湖。亦曰螺師店。

予買田其間。因往相田得疾。聞麻橋人龐安
常善醫而聲。遂往求療。安常雖聾而穎悟絕
人。以指畫地字。不數字。輒深了人意。余戲之
曰。余以手為口。君以眼為耳。皆一時異人也。
疾愈。與之同遊清泉寺。寺在蕲水郭門外二
里許。有王逸少洗筆泉。水極甘。下臨蘭溪。溪
水西流。余作歌云。山下蘭芽短浸溪。松間沙
路淨無泥。蕭蕭暮雨子規啼。誰道人生無再

少君看流水尚能西。休將白髮唱黃雞。是日
劇飲而歸。紹聖元年十月十二日。與幼子
過遊白水佛迹院。浴於湯池。熱甚。其源殆可
熟物。循山而東。少北。有懸水百仞。山八九折。
折處輒為潭。深者幾石五丈。不得其所止。雪
濺雷怒。可喜可畏。水崖有巨人跡數十。所謂
佛迹也。暮歸倒行。觀山燒火甚。俛仰度數谷。
至江山月出。擊汰中。掬弄珠璧。到家二鼓。復

與過飲酒。食餘甘。煮菜。顧影頽然。不復甚寐。
書以付過。僕初入廬山。山谷奇秀。平生所
未見。殆應接不暇。遂發意不欲作詩。已而見
山中僧俗。皆云蘓子瞻來矣。不覺一絕云。芒
屨青竹杖。自挂百錢遊。可怪深山里。人人識
故侯。既自哂前言之謬。復作兩絕云。青山若
無數。偃蹇不相親。要識廬山面。他年是故人。
又云。自昔憶勝賞。初遊杳靄間。如今不是夢。

真個是廬山。是日有以陳令舉廬山記見寄者。且行且讀。見其中云。徐澂李白之詩。不覺失笑。旋入開先寺。主僧求詩。因作一絕云。帝遣銀河一派下有來字點去垂。古來唯有謫仙辭。飛流濺沫知多少。不與徐凝洗惡詩。往來山南十餘日。以為勝絕不可勝。談擇其尤者。莫如漱玉亭。三峽橋。故作此二詩。最後與總老同遊西林。又作一絕云。橫看成嶺側成峯。到處

看山了不同。不識廬山真面目。只緣身在此
山中。廬山詩畫於此矣。余嘗寓居惠州嘉
祐寺。縱步松風亭下。足力疲乏。思欲就林止
息。望亭宇尚在木末。意謂是如何得到。良久
忽曰。此間有甚麼歇不得處。由是如挂鉤之
魚。忽得解脫。若人悟此。雖兵陣相接。鼓聲如
雷霆。進則死敵。退則死法。當甚麼時也不妨
熟歇。己卯上元。余在儋耳。有老書生數人。

來過曰。良月佳夜。先生能一出乎。予欣然從之。步城西。入僧舍。歷小巷。民藝襍穢。屠酤紛然。歸舍已三鼓矣。舍中掩關熟寢。已再鼾矣。放杖而笑。孰為得失。問先生何笑。蓋自笑也。然亦笑韓退之釣魚不得。更欲速去。不知走海者未必得大魚也。在徐州時。王子立子敏皆館於官舍。而蜀人張師厚來過。二王方年少。吹洞簫。飲酒杏花下。明年。余謫黃州。對月

獨飲嘗有詩云。去年花落在徐州。對月酣歌
美清夜。今年黃州見花發。小院閉門風露下。
蓋憶與二王飲時也。黎醇字希聲。治春秋
有家法。歐陽文忠公喜之。然為人質木遲緩。
劉貢父戲之為黎穰子。以謂指其德。不知果
木中真有是也。一日聯騎出。聞市人有唱是
果穰之者。大笑幾落馬。今吾謫海南。所居有
此霜實累累。然二君皆入鬼錄。坐念故友之

風味。豈復可見。劉固不泯於世者。黎亦能文
守道。不苟隨者也。昔為鳳翔幕。過長安。見劉
原父。留吾劇飲數日。酒酣。謂吾曰。昔陳季弼
告陳元龍曰。聞遠近之論。謂明府驕而自矜。
元龍曰。夫閨門雍穆。有德有行。吾敬陳元方
兄弟。淵清玉潔。有禮有法。吾敬華子魚。清修
疾惡。有識有義。吾敬趙元達。博聞強記。奇逸
卓犖。吾敬孔文舉。雄姿傑出。有王霸之畧。吾

敬劉元德所敬如此。何驕之有。因仰天太息。
癸酉八月十二日。步月宿東禪寺書此。枝
山祝允明。鈐印二。枝指生。祝允明印。有王寵
識。

辛巳八月廿又二日。王寵觀於清賢堂。鈐印
一。王寵私印。

後幅前人并臣工題跋。

我朝善書者不可勝數。而人各一家。家各一
意。惟祝京兆為集眾長。蓋其少時於書無所
不學。學亦無所不精。此卷乃全法鍾太傅。而
用筆通勁偉麗。出入清臣誠懸間。並能用太

傳指於大令脫者。三橋文彭鈐印二文彭之印。文壽承氏。

祝京兆書清圓秀媚。在大令下。北海諸君之上。然草書易得。而真楷不可多見。余嘗於文休承所見其十九首。心竊愛之。間以桂玉幣之他人。每恨明妃嫁呼韓。今見此卷。不覺雄心勃勃。置之几案間。可當阮公數斗美酒。瑯琊王世貞跋鈐印一。元美。

景見鍾元常薦季直表。筆意自篆隸來。及觀祝希哲夜坐記。則知得之季直表者為多。若此卷亦夜坐記類也。元美性好飲。而以數斗美酒當之。固宜。長洲張鳳翼鈐印二。張生伯起。鳳翼。

二十年來。內府真蹟流落人間。自右軍以下。至於子昂伯機所見五六百卷。大有古今不相及之嘆。京兆正書。力追魏晉。乃爾。可謂顏

波一柱。然其他行草殊不盡然。而世又酷重之。此古法之所以終不可復也。庚戌仲冬。橋李曹溶鈐印二。曹銘之印。潔躬。鍾司徒書法。惟宋仲溫窺其堂奧。希指此卷。俱從季直宣示諸帖。神明變化。良足寶也。越州羅坤鈐印二。羅大郎江東生。山陰張陸觀於廣陵客舍。辛亥四月浴佛日。謹識。鈐印二。臣陸登子氏。祝京兆書法。推為明朝第一。此卷極摹鍾太傅。季直表字。無纖毫遺憾。洵足並美晉唐諸名家。世其隻眼者。當自有共鑒也。登子陸再記。鈐印二。登子會稽。

鑒藏寶璽

八
全

收傳印記。半山園。元朗鑒定。玉山人。中吳陸

氏松花堂印。清森閣書畫記。東越羅髯會稽。
康臣。沈允範印。隴西布衣。筆墨之外。惟憲。竹。
院真賞。伽陵居士。瑯琊王敬美氏家藏圖書。
文定公裔。項元汴印。項墨林鑑賞章。淨因菴。
主。子京父印。式古堂書畫印。令之。卞令之氏。
謹案是蹟見書畫彙考。題跋印記均同。

唐寅西山草堂圖 一卷

本幅宣德歲本。縱九寸五分。橫六尺八寸九分。水墨畫草堂隱几。古樹叢邱。湖波滢泚。中有遠帆。自題草堂詩為丁君潛德賦。并畫厚苦芒葛柱棕櫚。欲比南陽舊草廬。頽壁破憑蘿自補。乳梁低與燕分居。烏皮淨拭窓中几。朱版齊裝架上書。笑殺汗衣車馬客。勞勞奔走欲何如。晉昌唐寅。鈴印四。唐寅私印。夢墨。

軒。南京解元。六如居士。自注。頰壁乳梁出急就。烏皮几出杜詩。朱版書出李商隱詩。

御題行書。

處士瀕湖此結廬。蕭然書史樂三餘。姓名不媿稱潛德。圖畫端應倩六如。依舊青山今馬蹟。都尋白屋昔雲居。千秋一瞬留佳話。印證當前益起予。乾隆辛未春暮御題。鈐寶一。乾隆宸翰。引首。西山草堂。夫樹山人近齋書。鈐印一。識。

字山農

後幅前人題跋

草堂記。昔陵丁先生潛德。居於太湖之馬
蹟山堂。小構別室為藏修之所。而以草堂名
之。因以自號。先生於禮無所不閑。於書無所
不究。發為文詞。廓如也。揚君純夫延為子師。
七年於茲矣。今年予得與同事焉。朝夕以文
字相切磋。以德業相勸勉。以詩書相酬酢。以
笑譚相慰藉。深窺其蘊。有叩之而不窮者。殆
得於草堂者多乎。先生平日每笑傲於茲堂
之中。輒有虛襟朗思。超然物表。而奇篇妙句
往往而得。雖時為他鄉之遊。而顧瞻夢寐未
嘗離乎堂之左右。至其思之於獨。懷之於遠。
而曰某禮吾習於草堂而知。某經某史吾讀

於草堂而明其文章其詞賦吾學於草堂而
成則雖不必形諸顧瞻夢寐而身之所處固
日在於戶牖屏几之間而不自知矣然則先
生豈能一日離此堂堂亦豈能一日離乎先
生哉宜先生以是自稱人亦以是稱之也先
生之兄草廔以進士官子部先生不樂仕進
悠然從事於草堂而馬蹟一山由是兩重兄
以其仕弟以其隱實相助而成其高先生之
詩且出入少陵安知他日先生之堂不與裴
冕所構同垂不朽乎先生所逢之時猶為太
平而年且未老學古有地予日望其升少陵
之堂而入其室也于是乎言正德庚辰秋七
月既望鄉貢進士姑蘇錢貴元抑著鈐印二
元抑吳越世宅
湖上草堂迴蕭然道世情竹烟生暝色梧雨
落秋聲脚避豺狼道不寒魚鳥盟捲簾香一

炷。靜看白雲生。長洲關。瞻鈴印。二民望。蕭瀝
堂印。

人境容高隱。堂成絕市囂。水襟環震澤。山客
揖夫椒。勝擅三吳地。情通萬里橋。窓虛江月
白。孤對酒盈瓢。錫山鄒壁鈴印二。辰父知足
閒人。

為愛湖山好。臨崖摘草堂。五更清夢速。三月
落花香。石竹青堪把。飛泉冽可嘗。悠然消俗
慮。何必賦長楊。長洲錢徹。

柴門臨曲磻。萬里獨徘徊。落日浮蒼嶼。輕烟
隱綠苔。興高吟愈放。花蔓酒初醅。身世風塵
外。橫江孤鶴來。晚學錢寄文。

白茅深蔭碧山堂。十頃烟霞自作驪。避世獨
延仙客慣。供年應遣木奴忙。詩來秀嶂排春
闥。夢斷驚湖撼夜牀。落日高歌忽回首。一行
飛鷺起滄浪。吳邑顧閨鈴印二。餘之南宮草

堂
夫樹山下結茅廬。四壁蕭然心晏如。五柳門
庭陶令宅。百花潭水杜陵居。春風入座燕穿
幙。夜月窺窓鶴聽書。未許南陽龍久卧。群賢
早晚下安車。練塘沈飲鈴印三。練塘治茶經
子。紫霞碧月山堂
容膝居蘓小。來巢野鳥馴。濤聲無絕響。山翠
最宜人。懶學陶朱子。甘為草莽臣。薇垣清夢
接。不減謝池春。無錫羅柔。鈴印一。龍飛第一
科。
幽處結茅亭。森森畫不局。清脾菜月杜。醉眼
倩風醒。草色時供翠。山光遠送青。可容分半
席。細講衛生經。梁溪談一鳳。鈴印一。三仕令
尹。

收傳印記
延陵吳氏收藏書畫印。半桂坡安

國賞鑒。

謹按錢貴。字元柳。長洲人。宏治戊午舉人。官太常典簿。所著有易通諸書。顧閏。字廷尚。吳人。羅柔。字文徽。無錫人。官建寧府知府。談一鳳。字文瑞。無錫人。官桂林府訓導。

唐寅秋野聯吟圖 一卷

〔本幅〕素箋本。縱八寸五分。橫五尺五寸。水墨畫三人吟態。後一人扶筇而至。童子二人。款吳趨唐寅。鈐印一。唐伯虎。

〔後幅〕文徵明題。

六如此卷。全是法古。前學李龍眠。後學梁楷。筆意放縱。真是眼空一世。展卷觀之。可令俗子駭魄。徵明題。鈐印二。停雲。徵明。

鑑藏寶璽

全璽

唐寅畫馬一卷

本幅絹本。縱八寸六分。橫三尺三寸。設色畫。三人牽馬。一人臂鷹。款正德丙子春三月。吳郡唐寅。鈐印四。吳趨。南京解元。唐伯虎。六如居士。

後幅前人題跋。

六如先生稟異資。貌得驂駒種種奇。筋力追風鳥鵲屬。精神噴霧蛟龍馳。憶昔愛馬千金貨。鹿中騎出君前過。吁嗟此物竟何益。遺迹徒使丹青描。王守鈐印一。王守之印。

鑒藏寶璽

全璽

收傳印記。陶唐後裔。歷世重光。秋水茅堂。勝叔陶氏秘玩。勝叔珍賞。項子京家珍藏。項墨林鑑賞章。蕉林秘玩。籃輿。

唐寅畫柴扉夜話 一軸

本幅宣德牋本。縱四尺一寸。橫二尺五寸。淺設色。畫松丁虛牕。兩人秉燭坐談。一童子扉前假寐。庭外一童子負卷自題。松間草閣倚巖開。巖下幽花遶露臺。誰扣柴扉驚鶴夢。月明千里故人來。晉昌唐寅鈐印三。吳趨唐伯虎。南京解元。

御題行書。

雲低松暗影蒼蒼。對語幽人夜閣涼。抱膝奚僮
權假寐。黑甜鄉裏趣偏長。庚寅仲春御題。鈐
寶二。乾隆。

鑒藏寶璽

八璽
全

仇英孝經圖 一卷

本幅絹本。十八幅。縱皆六寸二分。第一橫一尺一分。第二橫九寸六分。第三橫一尺一寸五分。第四橫一尺一寸四分。第五橫九寸。第六橫一尺六分。第七橫一尺五分。第八橫一尺一寸二分。第九橫一尺二寸八分。第十橫一尺五分。第十一橫一尺二分。第十二橫八寸四分。第十三橫一尺一寸二分。第十四橫

一尺七分第十五橫一尺六分第十六橫一
尺九分第十七橫一尺一寸第十八橫一尺
一分設色畫孝經章為一圖款仇英臨李如
璋筆分鈐印十洲每幅後文徵明書經文各
一章經文不錄款嘉靖辛卯十月八日雁門文徵
明書分鈐印徵明

仇英西園雅集圖

一軸

本幅宣德箋本。縱二尺五寸。橫一尺一寸五分。白描畫西園雅集。按米芾記中景色人物。款仇英實父製。在樹上。鈐印一。仇英。

御題行書

櫟括米家記裏語。規摹李氏畫中人。底須著色求形肖。三鬚由來貴得神。癸未春月御題。鈐寶二。幾暇怡情。乾隆宸翰。

玉池

御筆 勝賞 鈐寶 乾隆御筆

鑒藏寶璽

鈐

璽

懋勤殿鑒定章 乾隆御玩

收傳印記 鍊雪鑒定 晴嵐居士晴嵐珍藏

真閣圖書記

仇英水仙蠟梅寫生 一軸

本幅宋箋本縱二尺三寸七分橫七寸七分
淺設色畫蠟梅一枝水仙二本款明嘉靖丁
未仲冬仇英實父為墨林製鈴印二十洲仇
英之印

鑒藏寶璽

八璽

幾暇鑒賞之璽

文徵明畫山水一冊

本幅絹本。八幅縱八寸五分。橫一尺九寸。一。
水墨畫山水林屋。二。水墨畫竹石水仙。三。淺
設色畫雪景山水。四。水墨畫柏竹。五。設色畫
雨景山水。六。設色畫松石流泉。七。水墨畫林
亭觀瀑。八。設色畫古柏奇石。款徵明。每幅分
鈐印。文徵明印。衡山。徵仲。

鑑藏寶璽

八璽
全

收傳印記竹窗高士奇圖書記

文徵明獨樂園圖并書記 一卷

本幅素綾本。縱八寸三分。橫四尺三寸八分。
水墨畫茅堂臨水。翹對遠山。屋後竹柏松杉。
掩映籬落。款嘉靖戊午七月廿日。徵明仿村
明墨法寫。鈐印二。徵明。徵仲。

御題行書。

開園百年上。成圖百年下。園圖均可傳。名勝逾
綠野。書堂繡簡編。竹齋列尊尊。澆花與物春。弄

水知荷夏遊心。飫禮樂結契。招儒雅。每先天下
憂。詎效香山社。獨樂園中人。究非獨樂者。藝苑
彩如林。設色胡其寡。乃今見衡山。老筆出神冶。
如從刻畫求。何異風牛馬。亦足覘其人。展卷誰
能捨。明窓造幾餘。黃絢錯緇赭。因讀長公詩。吟
情幾欲啞。乾隆戊辰花朝。御題。即用蘇東坡
獨樂園詩韻。鈐寶三。乾隆幾暇臨池。

後幅

文徵明書。司馬光獨樂園記詩。蘇軾詩。

并臣工和詩

獨樂園記 孟子曰。獨樂樂。不如與人樂樂。與少樂樂。不如與衆樂樂。此王公大人之樂。非貧賤者所及也。孔子曰。飯蔬食。飲水。曲肱而枕之。樂亦在其中矣。顏子一簞食。一瓢飲。不改其樂。此聖賢之樂。非愚者所及也。若夫鶴鵲巢林。不過一枝。鼯鼠飲河。不過滿腹。各盡其分。而安之。此乃迂叟之所樂也。熙寧四年。迂叟始家洛。六年。買田二十畝。於尊賢坊北。闢為園。其中為堂。聚書五千卷。命之曰讀書堂。堂南有屋一區。引水北流。貫宇下。中央為沼。方深各三尺。疏水為五派。注沼中。狀若虎爪。自治北伏流。出階懸注庭下。狀若象鼻。自是分為二渠。繞庭四隅。會於西北。而出。命之曰弄水軒。堂北為沼。中央有島。島上植竹。

國周三文狀若玉玦攬結其杪如漁人之廬
命之曰釣魚菴治北橫屋五楹厚其墻茨以
禦烈日開戶東出南北列軒牖以延涼飈前
後多植美竹為清暑之所命之曰種竹齋治
東治地為百有二十畦襍樹草藥辨其名物
而結之畦北植竹方徑丈狀若棋局屈其枝
交相掩以為屋植竹於其前夾道如步廊皆
以蔓藜覆之四周植木藥為藩爰命之曰采
藥園園南為六欄芍藥牡丹棣花各居其二
每種止植兩本識其名狀而已不求多也欄
北為亭命之曰浣花亭洛城距山不遠而林
薄茂密常苦不得見乃於園中築臺構屋其
上以望萬安輟轍至於太室命之曰見山臺
迂叟平日多處堂中讀書上師聖人下友羣
賢窺仁義之原探禮樂之緒自未始有形之
前暨四達無窮之外事物之理舉集目前所

病者學之未至。夫又何求於人。何待於外哉。
志倦體疲。則投竿取魚。執耒耨米。決渠灌
漑。拊斧剡竹。濯熱盥手。臨高縱目。逍遙徜徉。惟
意所適。明月時至。清風自來。行無所牽。心無
所扼。耳目肺腸。悉為己有。踴躍焉。洋洋焉。不
知天壤之間。復有何樂。可以代此也。因合而
命之曰。獨樂園。或咎迂叟曰。吾聞君子所樂。
必與人共之。今吾子獨足於己。不以及人。其
可乎。迂叟謝曰。叟愚何得比君子。自樂恐不
足。安能及人。况叟之所樂者。薄陋鄙野。皆世
之所棄也。雖推以與人。人且取。豈得強之
乎。必也。有人肯同此樂。則再拜而獻之矣。安
敢專之哉。獨樂園七詠。讀書堂。吾愛
董仲舒。窮經守幽獨。所居雖有園。三年不遊
目。邪說遠去身。聖賢飽充腹。發策登漢廷。百
家始消伏。釣魚臺。吾愛嚴子陵。羊裘釣

石瀨萬乘雖故友訪求失所在三旌豈非貴
不足易其介奈何夸毗子斗祿窮百態采
藥園吾愛韓伯休采藥賣都市有心安可
欺所以價不貳如何彼女子已復知姓字驚
逃入深山深畏為名累見山臺吾愛陶
隱居拂衣遂長往手辭梁主命犧性憚金鞅
愛君心豈忘居山神可養輕舉向千齡高風
猶可想弄水軒吾愛杜牧之氣調本高
逸結亭傍水際揮弄消永日洗硯可抄詩泛
觴宜促膝莫取濯冠纓紅塵污清質種竹
齋吾愛王子猷借宅亦種竹一日不可無
滿漉常在目雪霜徒自白柯葉不改綠殊勝
石季倫珊瑚滿金谷浣花亭吾愛白樂
天退身家履道釀酒酒初熟浣花花正好作
詩邀賓朋欄邊常醉倒至今傳畫圖風流稱
九老東坡獨樂園詩青山在屋上流水

在屋下。中有五畝園。花竹秀而野。花香襲杖屐。竹色歸盞斝。樽酒樂餘春。棋局消長夏。洛陽古多士。風俗猶爾雅。先生卧不出。冠蓋傾洛社。雖亡與衆樂。中有獨樂者。才全德之形。所貴知我寡。先生獨何事。四海望陶冶。兒童誦君實。走卒知司馬。持此欲安歸。造物不我舍。聲名逐我輩。此病天所貽。撫掌笑先生。年來効喑啞。嘉靖戊午閏七月既望書。微明。

時年八十有九。鈐印四。文徵明印。衡山。停雲。惟庚寅吾以降。

君實宋偉人。仰企拜風下。每憶樂園樂。略似野人野。何幸披是圖。心襟暢浮竿。山色澹橫秋。苔痕濃點夏。千畦襍花竹。一室延文雅。欲認南陽龍。那羨洛中社。蘇髯五字詩。格調誰繼者。雙美喜具并。風流千載寡。我鑒賞。有同金合冶。飛豪追險韻。晴窓淨野馬。

皇精

句裏揭高抱。支詞盡所捨。倘起坡老。應教面發。

元音

臣梁詩正。懸鐘無一啞。臣梁詩正。恭和鈐印二。

堂堂涑水公。憂樂以天下。誠信孚兒童。德望重朝野。投閒開小園。真率畧杯竿。靜觀物皆春。高吟時過夏。倚然杖履間。餘事涉風雅。懷古希七君。異代比同社。一時號多賢。時是知心者。眉山倡高調。不顧和人寡。大廈誰支持。洪鐘藉銘冶。為憶入朝時。沿道擁去馬。穹碑照古今。三復誰忍捨。衡翁橫老筆。淨洗鉛粉。

天章

一振東音啞。臣汪由敦。恭和鈐印二。臣由敦。惜分陰。

新法諄莫回。翩然歸洛下。此身為天民。進退關朝野。為國難花竹。招友共雲竿。蕭閒若終。

身。經歷幾冬夏。史局嚴筆削。吟壇叶風雅。彷彿粉榆鄉。來往難脈社。一出任險難。豈真獨樂者。端明吐清辭。寥寥嗣音寡。待詔寓作園。林泉入鎔冶。空亭把卷人。約畧是司馬。聞世歸。

內廷。不與浮榮舍。

天章輝五色。匪獨潤丹楮。敬和鳳律鳴。竊愧寒蟬啞。且沈德潛恭和鈐印。且德潛印。

題籤

御筆。文徵明獨樂園圖并書記。品能。鈐寶一乾。

隆宸翰。

鑒藏寶璽

全八璽

收傳印記郎廷極數衡氏書畫印。

文徵明關山積雪圖 一卷

本幅宋箋本。縱八寸。橫一尺三寸八分。設色畫高山巖壑。密雪中行人冰渡。歟。古之高人士。往往喜弄筆。作山水以自娛。然多寫雪景者。蓋欲假此。以寄其孤高拔俗之意耳。若王摩詰之雪谿圖。李成之萬山飛雪圖。李唐之雪山樓閣。閻次平之寒巖積雪。郭忠恕之雪霽江行。趙松雪之素安卧雪。黃大痴之九

峯雪霽。王叔明之劍閣圖。皆著名今昔。膾炙
人口。余幸皆及見之。每欲效倣。自歎不能下
筆。曩於戊子冬。同履吉寓於楞伽僧舍。值雪
飛幾尺。千峯失翠。萬木僵仆。履吉出佳紙索
圖。乘興濡毫。演作關山積雪。一時不能就緒。
嗣後攜歸。或作或輟。五易寒暑而成。但用筆
拙劣。不能追蹤古人之萬一。然寄情明潔之
意。當不自減也。因識歲月以歸之。嘉靖十一

年壬辰冬十月既望。衡山文徵明記。鈐印三。
徵明。徵仲父印。悟言室章。

後幅陸師道題跋

衡翁與王履吉為忘年交。意氣投合。真所稱金石樹蘭。每同寓僧寮道院。必決月連旬。非砥志人品。則托起筆墨。此卷在楞伽看雪而作。積五歲始成。深奇幽遠。即應敏省入兩華。其邱壑當不過是。至其氣韻。則雖使摩詰諸公於筆端。可謂丹青至寶。後跋語云。寄情明潔之意。當不自減。則兩公瞬然之極。隱躍於數尺赫號間。寧獨遲國繪之妙技已哉。時嘉靖丁巳十月。後學陸師道跋題。鈐印二。師道。陸子傳。

鑑藏寶璽

全八

收傳印記內府書印。古裏堂。心遠堂圖書印。
李爵坦園。坦園之章。李敏治印。據梧居士。口
谷。隨菴。震澤王氏家藏。項元汴印。子京父印。
項叔子。項墨林鑒賞章。宮保世家。墨林山人。
子京父印。樂琴書以消憂。退密。項仲子。

雖按是蹟見書畫舫云有客以關山積雪圖
見示。精細之極。乃徵仲盛年傑筆也。亦見書
畫彙考。

文徵明桃源問津圖 一卷

本幅素牋本。縱一尺。橫一丈六尺六寸。設色畫桃花源故事。款嘉靖甲寅二月既望。徵明識。時年八十有五。鈐印二。徵明。

後幅高士奇書陶潛桃源記詩。并跋。張照題跋。

晉太元中。武陵人捕魚為業。緣溪行。忘路之遠近。忽逢桃花林。夾岸數百步。中無雜樹。芳草鮮美。落英繽紛。漁人甚異之。復前行。欲窮其林。林盡水源。便得一山。山有小口。彷彿若

有光。便捨船從口入。初極狹。纔通人。復行數
十步。豁然開朗。土地平曠。屋舍儼然。有良田
美池。桑竹之屬。阡陌交通。雞犬相聞。其中往
來種作。男女衣著。悉如外人。黃髮垂髫。並怡
然自樂。見漁人。乃大驚。問所從來。具答之。使
要還家。設酒殺雞。作食。村中聞有此人。咸來
問訊。自云先世避秦時亂。率妻子邑人來此
絕境。不復出焉。遂與外人間隔。問今是何世。
乃不知有漢。無論魏晉。此人一一為具言。所
聞皆歎惋。餘人各復延至其家。皆出酒食。停
數日。辭去。此中人語云。不足為外人道也。既
出。得其船。便扶向路。處處誌之。及郡下。詣太
守。說如此。太守即遣人隨其往。尋向所誌。遂
迷。不復得路。南陽劉子驥。高尚士也。聞之。欣
然。親往。未果。後遂無問津者。羸氏亂。天紀
賢者避其世。黃綺之商山。伊人亦云逝。往迹

浸復湮。未徑遂。燕廢。相命肆農。耕日人從。所
總。桑竹垂餘蔭。菽稷隨時藝。春蠶取長絲。秋
熟靡王稅。荒路曖交通。雞犬互鳴吠。俎豆有
古法。衣裳無新製。重獮縱行歌。斑白歡遊詣。
草榮識節和。木衰知風厲。雖無紀歷志。四時
自成歲。怡然有餘樂。於何勞智慧。奇蹤隱五
百。一朝敬神界。淳薄詭異原。旋復還幽蔽。借
問遊方士。焉測塵囂外。願言躡輕風。高舉尋
吾契。陶淵明桃花源記并詩。康熙庚午二
月廿七日。天氣晴和。坐瓶廬偶書。江村高士
奇。鈴印二士奇。宋趙千里趙希遠俱有桃
源問津圖長卷。千里所畫。為真定梁公收藏。
希遠畫。余曾於揚州張氏人家見之。筆法清
潤。布景鎮密。後有宋高宗書淵明詩。并乾坤
一草亭。及乾卦小翼。張氏云與千里畫。堪伯
仲。又有仇十洲臨本。在遷安劉魯一家。今為

宋牧仲所得。余昔於長安市上。獲文太史此卷。雖規模二趙。略變其法。覺蕭遠有致。春畫無事。時一展觀。真未足為外人道也。書桃花源記於後。次日又跋江村鈴印二。士奇高澹人。洞口桃花萬樹春。溪流不合引漁人。自從傳出仙源事。翻使劉郎欲問津。是日又題康熙癸巳五月。張照觀鈴印二。張照之印。涇南。

鑒藏寶璽

八璽全

收傳印記王祖淮印。曠菴高氏江村竹窓珍藏書畫之印。丰軒松月。巖畊草堂。澹人高氏士奇鑒定書畫之印。竹窓。花原州堂。菊澗。靜

寄軒圖書印。高士奇圖書記。高文恪公曾孫
涵珍藏清蓮子。蓮浦清賞。臣岱私印。

文徵明落花詩圖合璧 一卷

本幅素箋本。二幅。縱七寸八分。前畫後書。畫幅橫二尺一寸二分。設色畫暮春山水。遊者騎馬朱衣。鈐印四。停雲。玉磬山房。徵明。衡山書幅。橫二尺七寸。楷書。撲面飛簾漫有情。細香歌扇障盈盈。紅吹乾雪風千點。彩散朝雲雨滿城。春水渡江桃葉暗。茶煙圍榻髻絲輕。從前不恨飄零事。青子梢頭取次成。零落佳

人意暗傷。為誰憔悴減容光。將飛更舞迎風面。已褪猶嬌洗雨粧。芳草一年空路陌。綠陰明日自池塘。名園酒散春何處。惟有歸來後齒香。蜂掠褪粉偶黏衣。春減都消一片飛。蒂繞園風無奈弱。影搖庭日已全稀。樽前漫有盈盈淚。陌上空歌緩緩歸。未便小齋渾寂寞。綠陰幽草勝芳菲。悵人無奈晚風何。逐水紛紛不戀柯。春雨捲簾紅粉瘦。夜涼踏影月明。

多。章臺舊事愁邊路。金縷新聲夢裡過。過眼
莫言皆物。別收功實在蜂窠。戰紅酣紫一
春忙。回首思歸屬渺茫。竟為雨殘綠太冶。未
隨風盡有餘香。美人睡起空攀樹。蛺蝶飛來
却過牆。脈脈芳情天萬里。夕陽應斷水邊腸。
桃溪李徑綠成叢。春事飄零付落紅。不恨佳
人難再得。綠知色相本來空。舞筵意態飛飛
燕。禪榻情懷裊裊風。蝶使蜂媒都懶慢。一番

無味夕陽中。開喜穠纖落更幽。樹頭何用勝
溪頭。有時細數坐來久。盡日貪看忘却愁。惹
草紫沙風冉冉。傷春悵別水悠悠。不堪舊病
仍中酒。疎雨濃烟鎖畫樓。風裏殘枝已不任。
那堪萬點更愁人。清溪浣恨難成錦。江雨塵
香竟作塵。明月黃昏何處怨。游絲白日鏡中
春。急須脫字。辦東欄醉倒地。猶堪藉綺茵。飛
如有應隨無聲曲。砌斜臺看得盈。細草棲香

朱點染。晴絲撩片玉輕明。紅顏飄泊明妃淚。
綠葉差池杜牧情。賴是主人能愛惜。不曾緣
客掃荊荊。情知芳事去還來。眼底飄零自可
哀。春漲平添棄脂水。晚寒思築避風臺。沾衣
成陣看非雨。點徑能勻襯有苔。穠綠已無藏
艷處。笑他蜂蝶重徘徊。百五光陰瞬息中。夜
來無樹不驚風。踏歌女子思楊白。進酒才人
賦雨紅。金水送春波共渺。玉階看影月俱空。

當時深院還重鎖。今出牆頭西復東。陣陣紛
飛看不真。霎時芳樹減精神。黃金莫鑄長生
蒂。紅淚空啼短命春。草上苟存流寓迹。陌頭
終化冶遊塵。大家准備明年酒。慙愧重看是
老人。擾擾紛紛縱復橫。那堪薄薄更輕輕。沾
泥絮老無狂相。留物坡翁有過名。送雨送春
長壽寺。飛來飛去洛陽城。莫將風雨埋冤殺。
造化從來要忌盈。似雨紛然落處晴。飄紅泊

紫萸聊生美人天遠無家別。逐客春深盡族
行。去是何因。趁忙蝶。問誰為說。假啼鶯。悶思
遣撥容。酣枕。短夢茫茫。又不明。春歸莫怪嬾
開門。及至開門。綠滿園。漁楫再尋。非舊路。酒
家難問。是空村。悲歌夜帳。虞兮淚。醉舞烟江
白也魂。委地於今。却惆悵。早無人立。厭風簫。
芳華別我。漫匆匆。已信難留。留亦空。萬物死
生寧離土。一場恩怨。本同風。株連曉樹。成愁。

綠波及烟江有偉紅。漠漠香魂無點斷。數聲
啼鳥夕陽中。筇枝侵曉啄芳痕。借爾階除亦
暫存。路不分明愁喚夢。酒無聊賴怕臨軒。隨
風肯去從新嫁。棄樹難留絕故恩。惆悵斷香
餘粉在。何人剪紙一招魂。賣與藍空雨滿城。
塵芳戰艷寂無聲。挽留不住春無力。送去還
來風有情。莫論漫山便麤俗。仍憐點地亦輕
盈。亂紛紛處無憑據。一局殘棋不算贏。十分

顏色儘堪誇。只奈風情不戀家。慣把無常玩
成敗。別因容易惜繁華。兩姬先隕傷吳隊。十
艷叢埋怨漢斜。消遣一枝閒拄杖。小池新錦
看跳蛙。香車寶馬少追陪。紅白紛紛又一迴。
昨日不知今日異。開時便有落時催。祇從箇
裏觀生滅。再轉年頭証去來。老子與渠忘未
得。殘紅收拾掌中杯。宏治甲子之春。石田
先生賦落花之詩十篇。首以示壁。壁與友人

徐昌穀相與歎艷。屬而和之。先生喜從而反和之。是歲。辟隨計南京。謁太常卿嘉禾呂公。相與歎艷。又屬而和之。先生益喜。又從而反和之。自是和者日盛。其篇皆十。總其篇若干。而先生之篇累三十而未已。其始成於信宿。及其再反而再和也。皆不更宿而成。成益易。而語益工。其為篇益富。而思不窮。益奇。竊惟昔人以是詩稱者。惟二宋兄弟。然皆一篇而

止。而妙麗膾炙。亦僅僅數語耳。若夫積咏而累十盈百。實自先生始。至於妙麗奇偉。多而不窮。固亦未有如先生今日之盛者。前書十首。乃壁和答石田先生落花原唱。後書十首。則石田先生再答壁與昌穀見和之作也。今正德九年。歲在甲戌。春三月既望。漫錄附於拙圖之末。未識觀者以為何如。長洲文璧鈐印三。停雲。文徵明印。衡山。有陳淳題。

庚寅二月六日白陽山人陳淳觀鈴印一白

鑒藏寶璽

八璽

文徵明茶事圖 一軸

本幅宣德牋本。縱三尺八寸。橫一尺七分。水墨畫茅屋中置几。左書右壺。二人相對品茶。童子旁舍候爐火煮泉。自題。巖隈藝雲樹。高下鬱成塢。雷散一山寒。春生昨夜雨。棧石分瀑泉。梯雲探烟縷。人語隔林聞。行行入深迂。
茶塢。自家青山裏。不出青山中。生涯草木靈。歲事烟雨功。荷鋤入蒼靄。倚樹占春風。相逢相

調笑歸路還相同。人茶東風凌紫苔。一夜一寸

長。烟華綻肥玉。雲蕤凝嫩香。朝採不盈掬。暮

歸難傾筐。重之黃金如。輸貢充頭綱。茶山匠

運巧心。縷筠裁雅器。絲含故粉香。筠帶新雲

翠。攜攀蘿雨深。歸染松嵐膩。冉冉血花斑。自

是湘娥淚。茶結屋因巖阿。春風連水竹。一徑

野花深。四隣茶笋熟。夜聞林豹啼。朝看山麋

逐。麋足辦公私。逍遙老空谷。茶處處鬻春雨。

青烟映遠峯。紅泥侵白石。朱火然蒼松。紫英
凝面落。香氣襲人濃。靜候不知疲。夕陽山影
重。茶昔聞鑿山骨。今見編楚竹。微籠火意溫。
密護雲芽馥。體既靜而貞。用亦和而燠。朝夕
春風中。清香浮紙屋。茶斷石肖古製。中容外
堅白。煮月松風間。幽香破蒼壁。龍顏縮鱗勢。
蟹眼浮雲液。不使彌明嘲。自適王濛厄。茶疇
能鍊精珉。範月奪素魄。清宜鬻雪人。雅愜吟

風客。穀雨關時珍。乳花凝處白。林下晚來收。

吾方遲來展。既茶花落春院幽。風輕禪室靜。活

火煮新泉。涼蟾浮圓影。破睡策功多。因人寄

情永。仙遊恍在茲。悠然入靈境。煮嘉靖十三

年。歲在甲午。穀雨前二日。支硎虎阜茶事最

盛。余方抱疴。偃息一室。弗能與好事者。同為

品試之會。佳友念我。走惠三二種。乃汲泉以

火烹啜之。輒自第其高下。以適其幽閒之趣。

偶憶唐賢皮陸故事。茶具十詠。因追次焉。非
敢竊附於二賢後。聊以寄一時之興耳。漫為
小圖。并錄其上。文徵明識。鈐印四。徵明。玉蘭
堂印。停雲。

玉池

御題行書

享帚蘭堂茶事詠。支硎虎阜祇蘇州。昨經龍井
連林薈。却笑斯為強出頭。右茶雷後雨前正及

時筠篁羣出採槍旗。高人偶一為之耳。豈似種

茶者習茲。

右茶人

枝頭纔吐幾分長。眼想青芽鼻

想香。不與擇龍爭尺寸。一般清品入新嘗。

右茶詩

編竹為簾製作精。品殊部別貯分明。設因功用

論甲乙。合向其中號建成。

右茶簾

開牕掃地置都

籃。勝友恒來茶事探。試問最宜是何處。惠山寺

裏聽松菴。

右茶舍

竹鑪石鼎總堪陳。無突還堪雅

製新。坐祀竈傍是誰氏。陶形陸羽乃其人。

右茶竈

雀舌新芽要焙乾。憶曾辛未一親觀。新絲新穀

夷中詠。滿目民艱。繫矩看。右茶憲以進薪。勝盛

茗。相需般處得相彰。盡其材在處得地。茶諫還

應憶蔡襄。右茶樞垞曾輕劉氏啟。烟嵐珪璧亦

妍詞。三清詩畫陶成器。頗覺箇中佳話宜。右茶

魚蟹眼寧須細求。無過解渴綠盃浮。十章吟罷

飛逸興。又似金閭一再遊。右烹庚子清和月

下澣。御題。鈐寶。二古稀天子之寶。猶日孜孜。

鑒藏寶璽

全八

陳淳寫生 一卷

本幅素綾本。縱一尺。橫二丈二尺四寸。水墨
畫花卉十二。桃花。蘭。梔子。榴花。芍藥。紫薇。
菊。藻。蒲草。梅。水仙。蔬果十七。蘿蔔。松菜。筍。瓜。
茄。茭。白芋。枇杷。楊梅。頻婆果。藕。蓮房。菱。石榴。
葡萄。栗。香櫞。雜物六。燕。鷺。貓。蛤。蛭。蚶。秋蟲。無
名款。

御識行書

癸未嘉平小除夜三希堂快臨一過鈴寶一乾
隆宸翰附文嘉題

陳復父出入先君子門因與余為兄弟交有
年矣。余極愛其筆。狎習甚。反不能得之。一日
從許元復彭孔加伯兄壽承過其陳湖草堂
迫暮留宿。明日再游浩歌亭上。客有饒佳酒
者。發而飲之。各致醉。復甫遺箋動狂興。余搜
得案上紙。微復甫畫。復父欣然曰。諸君能再
為一日留。則作此。今從史三兄許諾。然掌飛
流欲奪造化。迄明日乃完。完時擲筆謂余曰。
好否。余曰。若言不好。則曲筆言好。又墮時套
余不言。眾共一笑。少許作別。嘉靖辛酉四月
六日。文嘉識。鈴印二。文嘉之印。文休承氏。

後幅徐鳴壁跋

白陽先生寫草書。宛然如生。此卷獨寫零雜
纖瑣。若無意于寫。而隨情所至。落筆成勢。似
乎游戲。積墨。諸浪友朋。浸假。而或迎微風。即
欲搖欲舞。浸假。而或露微露。即欲滋欲滴。其
餘雜品。不能盡評。乃信先生筆下。自有化工
非可以墨情額氣言也。展卷閱竟。知為休承
先生弄毫。寄興。然酒。遂成。描神之技。嘻。虎頭
之驪。道子之龍。寫即為生。不誣也。余稱賞先
生筆。不啻魚目混珠。隋珠。不勝汗愧。雖然。目
之所接。情不能已。不自拂腕之甚拙也。壬申
夏日。徐鳴壁鈴印一。鳴壁之印。

收傳印記文嘉之印周原博氏金石盟百卷
菴印耘郊鑒賞汪云郊收藏印百卷菴汪耘
郊書畫記

錢穀畫南城看雪

一軸

本幅素綾本。縱三尺六寸五分。橫八寸三分。
淺設色畫雪景山水。二人板橋策蹇。有朱衣
人倚籬。款嘉靖壬戌正月既望。看雪南城歸
坐小齋作此。錢穀鈐印二。錢穀私印。十友齋
御題行書

銀林紅寺遠參差。驢背風侵客路遲。却憶寒更
吟白戰。范陽古道去冬時。乾隆御題。鈐寶二。

會心不遠德充符

鑒藏寶璽

金八璽

古希天子壽八徵耄念之寶

收傳印記翰墨林書畫章

文伯仁畫姑蘇十景 一冊

本幅十對幅。右幅宣紙本。縱一尺。橫八寸。設色畫姑蘇十景。各標名。一。洞庭春色。二。虎山夜月。三。滄浪清夏。四。胥江競渡。五。鄧尉觀梅。六。支硎春曉。七。石湖秋泛。八。寶塔現瑞。九。江村漁父。十。靈巖雪霽。八分款。五峯文伯仁寫。每幅分鈐印。文伯仁。五峯伯仁。對幅金粟牋本。縱橫如右。

御筆分題行書

齋居政事簡。新正名蹟摘。觀陶冶情。却愛五峯
圖。姑孰恰如蹕路喜來迎。山塘北首峙精藍。
雲徑仙關夙所諳。去弗逾時留弗意。慙他月景
未曾探。城南池館曰滄浪。來往官僚駐客裝。
不識彼時似茲否。但有溪樹渺蒼茫。胥門外
即胥江帶。傍晚歸舟競入城。試問忙忙爭渡者。
是誰使汝苦勞情。崇岡南赴太湖濱。平壤梅

鋪香雪勻分付韶光畧相待莫教孤負畫中人
倚巖俯澗梵王宮阿那石橋有路通誰不曰
斯春色好發硎可識有支公治平寺側石湖
垠泌泌清波拍舫脣作者雖圖莊水意題橋我
自愛行春五色光輝紀宋時至今寶塔尚名
遺假如調御許諮議法屬無為抑有為夾河
廊市幾層樓富庶荒涼景不侔設使斯時泊張
繼未能得句也應愁巡蹕多逢春仲時幾曾

積雪見嶽嵴。德承真解箇中事。鏤玉裁冰為補之。
甲辰新正。御題每幅分鈐寶。化工四氣為全施。
吟詠春風裏。几席有餘香。樂意寓靜觀。用筆在心人。
情為田。得象外意。落紙雲烟。研露筆端造化含味。
經籍即事多所欣。含英咀華。烟雲舒卷。敲詩月下。
周旋久。筆花春雨。游六藝園。漱芳潤古。稀天子之寶。
猶日孜孜。

文伯仁赤壁圖 一卷

本幅金牋本。縱三寸九分。橫九寸一分。設色畫赤壁景。款嘉靖丁巳初夏。五峯文伯仁寫於攝山居中。鈐印二。五峯。文伯仁。又半印。不可辨。

後幅劉彬書赤壁賦。見本處所藏。即臨文徵明書赤壁賦。款劉彬書。鈐印一。不可辨。

鑒藏寶璽

八璽全。

文伯仁滕王閣圖 一卷

本幅金牋本。縱三寸九分。橫九寸一分。設色畫滕王閣景。款五峯文伯仁筆。鈐印二。文伯仁。心賞。有前人書王勃滕王閣序。

滕王閣序并詩。南昌故郡。洪都新府。星分其軫。地接衡廬。襟三江而帶五湖。控蠻荆而引甌越。物華天寶。龍光射斗斗之墟。人傑地靈。徐孺下陳蕃之榻。雄州霧列。俊彩星馳。臺榭枕夷夏之交。賓主盡東南之美。都督閻公之雅望。繁華遠聘。宇文新州之懿範。襁負三秦。名不虛傳。十旬休暇。勝友如雲。千里逢迎。高朋滿座。騰蛟起鳳。孟學士之詞宗。紫電清霜。王將軍

之武庫。家君作宰。路出名區。童子何知。躬逢
勝饌。時維九月。序屬三秋。潦水盡而寒潭清。
烟光弔而暮山紫。儼暎暎於上路。訪風景於
崇阿。臨帝子之長洲。得仙人之舊館。層巒聳
翠。上出重霄。飛閣流丹。下臨無地。鶴汀鳬渚。
窮島嶼之紮迴。桂殿蘭宮。列岡巖之體勢。披
繡闥。俯雕甍。山原嶺其盈視。川澤盱其駭矚。
閭闔撲地。鐘鳴鼎食之家。舸艦迷津。青雀黃
龍之軸。虹銷雨霽。彩徹雲衢。落霞與孤鶩齊
飛。秋水共長天一色。漁舟唱晚。響窮彭蠡之
濱。雁陣驚寒。聲斷衡陽之浦。遙吟俯暢。逸興
遄飛。爽籟發而清風生。纖歌迴而白雲遏。睢
園綠竹。氣凌彭澤之樽。鄴水朱華。光照臨川
之筆。四美具。二難并。窮睇眄於中天。極娛遊
於暇日。天高地迥。覺宇宙之無窮。興盡悲來。
識盈虛之有數。望長安於日下。指吳會於雲

間地勢極而南。溪深天柱高。而北辰遠。關山
難越。誰悲失路之人。萍水相逢。盡是他鄉之
客。懷帝閼而不見。奉宣室以何年。嗚呼。時運
不齊。命途多舛。馮唐易老。李廣難封。屈賈誼
於長沙。非無聖主。竄梁鴻於海曲。豈乏明時。
所賴君子安貧。達人知命。老當益壯。寧知白
首之心。窮且益堅。不墜青雲之志。酌貪泉而
覺爽。處涸轍以猶歡。北海雖賒。扶搖可接。東
隅已逝。桑榆非晚。孟嘗高潔。空懷報國之心。
阮籍猖狂。豈效窮途之哭。勃三尺微命。一介
書生。無路請纆。等終軍之弱冠。有懷投筆。慕
宗慙之長風。舍簪笏於百齡。奉晨昏於萬里。
非謝家之寶樹。接孟氏之芳鄰。他日趨庭。叨
陪鯉對。今晨捧袂。喜托龍門。楊意不逢。撫凌
雲而自惜。鍾期既遇。奏流水以何慚。嗚呼。勝
也不常。盛筵難再。蘭亭已矣。梓澤邱墟。臨別

贈言。幸承恩於偉饒。登高作賦。是所望于羣
公。敢竭鄙誠。恭疏短引。一言均賦。四韻俱成。
滕王高閣臨江渚。佩玉鳴鸞罷歌舞。畫棟朝
飛。南浦雲。珠簾暮捲西山雨。閒雲潭影日悠
悠。物換星移幾度秋。閣中帝子今何在。檻外
長江空自流。鈴印一不可辨。

鑒藏寶願

八
金
璽

文伯仁新水晴巖圖

一軸

本幅宣德牋本。縱三尺八寸五分。橫一尺二分。設色畫。碧流丹嶂。紅樹青林。草廬中設坐具。二人盤桓樹下。二人立堤上。縱觀。嘉庚午春日。文伯仁寫。鈐印二。五峯。文伯仁。

玉池

御題行書

春波暖霧相氤氲。遠黛疑皺。斧劈紋。新水活時。

思濯耳。亂山深處已霑霰。一川淡蕩吟無盡。滿
谷迷茫望莫分。底事天風吹不散。畫家家法是
停雲。丙寅暮春。御題。鈐寶二。乾隆。

左方標綾臣工敬題

宿雨溪痕碧。新滋水聲沿。潤落平池。一襟朝
爽。盈懷袖。半笠晴嵐。冷簪絲。扶杖阿誰臨。倒
影。聽泉有客立。移時。宵來添得山光好。去覓
橋南畫裏詩。臣勵宗萬敬題。鈐印二。臣宗萬
敬書。

畫水畫出玉色新。微風皺面曲簾紋。畫山不
作平遠勢。層壑盤互春容霽。山環水繞雲不
滅。溪壑畫靜含幽姿。結茅最愛山腰住。近局

招邀便來去。出門但聞啼鳥聲。攜琴獨往如
有情。偶然臨水奏一曲。響入高空萬山綠。臣
松橫敬題。鈐印二。臣璜。筆。霜春雨。
明季繪事。以文沈唐仇為四家。而徵明尤為
傑出。彭年。陸治。周天球。談志伊。輩皆師之。各
得其一端。已足誇名藝苑。壽承。休承。俱宗家
法。伯仁其從子。亦能紹世業。於弗湮。其山水
人物。效王叔明。而娟秀細折。殆將仰企。臨流
此幅。煙雲卷舒。嵐石互鏤。布局清遠。幽遠宜
歸。
內府與球圖併供珍玩云。臣介福敬識。鈐印二。
臣介福。柔翰。

右方標綾臣工敬題

林端霽景明。草岫倚空橫。白雲滿欲歸。明戶
徐吐納。懸崖落春漲。激石轉磅礴。步歷沿溪

橋誰云素心。命洽喜袍。琴來襟袂。風獵獵。聞
依綠陰坐。試聽鼓三峽。何處隱精藍。疎鐘時
響答。臣梁詩正敬題。鈐印二。臣梁詩正朝朝

遠翠遙常。戶清流曲到門。心閒來靜境。地迴
入仙源。新舞長松寺。橋迴仄徑村。除將春
語。春日不聞喧。杖策誰招隱。紫雲洞壑幽。玲
瓏搖碧樹。縹緲起朱樓。鮮開曉巖石。風和
蕩。臨往還。皆素侶。寧原久淹留。人在紅閣
邊。園開紫翠屏。溪山清共遠。結搆筆通靈。浪
微微。結雲來。面面青華芝。如可采。駐景問金
庭。臣劉純熙敬題。鈐印二。臣劉純熙思泉良

陳栝畫萬年青

一軸

本幅宣德牋本縱二尺九寸橫一尺一寸七分
水墨畫磁斗內萬年青一本款隆慶庚午
夏日沱江子陳栝寫鈐印二陳栝之印子正
氏有申時行題

御題行書

靈草恒青冬夏鮮謂當有水注其邊文徵畫合
梓材語惟曰保民欲萬年戊戌嘉平御題鈐

寶二幾暇怡情得佳趣

停雪由來說老松長生靈草漫相從萬年青
色誰堪比佳氣團團爽在堂千花萬葉競爭
妍愧此青青冬夏鮮不用金鈴相保護因他
賦賈自貞堅中時行鈴叩二申時行叩大
學士章

鑒藏寶璽

八

謹按陳枯字子正號沅江淳之子善花卉出
國繪寶璽集

陸師道臨文徵明吉祥庵圖 一軸

本幅宋紙本。縱三尺八寸四分。橫一尺二寸五分。設色畫。樹石中小庵。僧俗對坐。童子方烹茶。自題。衡山師舍西有吉祥庵。往歲嘗與故友劉協中。訪僧權鶴峯。過之。協中賦詩云。城裏幽棲古寺閒。相依半日便思還。汗衣未了奔馳債。便是蓬僧怕問山。衡山師和云。殿堂深寂竹床閒。坐戀機陰忘却還。水竹悠然

有遐相會心何必在空山。因讀舊題追次其
韻。塵蹤俗狀強追閒。慚愧空門數往還。不見
故口空約在。黃梅雨暗郭西山。時辛酉仲春
抵今庚辰又二十年矣。追感昔遊不覺愴失。
他日偶與協中之子穉孫談及。因追圖其事。
付穉孫藏為里中故實云。時辛巳二月八日
也。吉祥庵圖。陸師道謹臨。鈴印一。陸子傳氏。

御題行書

追圖舊蹟偶乘閒。坐對禪僧談八還。何必思師
更憶友。試看不變者青山。丙午仲秋。用圖中
題句韻。御題鈐寶二。古稀天子之寶。猶日孜孜。

鑒藏寶璽

八璽
金

收傳印記。徐堅曾觀好讀書。

謹按明史文苑傳。陸師道。字子傳。由進士禮
部主事。請告歸。遊文徵明門。稱弟子。善詩文。
工小楷。古篆。繪事。人謂徵明四絕。師道並傳
之。累官尚寶少卿。女字卿子。適趙宦光。

王穀祥春雛得飼圖

一軸

本幅宣德牋本縱二尺三寸四分橫九寸九分淺設色畫竹一老雀銜蟲飛來四雛集竹枝仰首待飼自題啁啁林間雀啣蟲欲哺雛可憐禽鳥意得食解相呼穀祥鈐印二穀祥祿之有文嘉等題

御題行書

老雀啣蟲歸故枝
羣雛待哺意堪悲
觀圖不覺

生憐憫。合共思哉。良有司。庚戌新正御題鈴

寶二。古希天子。猶日孜孜。

雨餘竹色明。風恬鳥聲樂。睡起北窗涼。斜陽在高閣。文嘉鈴印一。文氏休承。

春寒稻梁寒。黃口正噉噉。啄得枝頭蟲。歸來哺爾曹。文彭鈴印一。文彭。

春光動林薄。山雀弄新雛。物態欣有得。澄觀漸故吾。周天球鈴印一。羣玉山山人。

玉池

御識行書

向曾摹宋李迪雞雛待飼圖并題句以喻政在

養民誠當保赤。因鐫石頒賜。用勗司牧之吏。茲
覽王穀祥此圖。老雀歸飛。含蟲欲飼。雖者色喜。
迎承恐後。一段殷情。神貌欲活。與李迪待飼之
意同。而予絜矩之志。觸目即厯民艱。雖新正下
詔展賑加恩。行之五十餘年。猶未能戶慶盈寧。
水旱常有。彼向隅者。豈盡免腹枵之歎哉。仍命
摹泐。以示良有司。俾各發天良。勉與我共治者。
庚戌新正上澣御識鈐寶二八徵耄念自強

不息

鑒藏寶璽

八
璽

謝時臣醉翁亭記書畫合璧 一卷

本幅右畫左書。畫幅絹本。縱八寸六分。橫三尺五分。水墨畫醉翁亭遊賞景。款醉翁亭小景。鈐印一。嘉靖己未時臣年七十有三。款樗仙。謝時臣寫。仿黃鶴山樵筆法。鈐印一。不可辨。

御題行書

環滁深秀有佳山。瀉出雙峯水一灣。酒冽泉香

招客醉訟稀。刑簡共民間。時臣妙旨形容表。永
叔風流想像間。設使終無同樂意。宴酣放浪早
宜刪。丙戌春日。御題。鈐寶一。幾暇怡情書幅。

紙本。縱同前。橫一丈六尺二寸。草書。醉翁

亭記。環滁皆山也。其西南諸峯。林壑尤美。

望之蔚然而深秀者。琅琊山也。山行六七里。

漸聞水聲潺潺。而寫出于兩峯之間者。讓泉

也。峯回路轉。有亭翼然臨于泉上者。醉翁亭

也。作亭者誰？山之僧智僊也。名之者誰？太守自謂也。太守與客來飲于此，飲少輒醉，而年又甚高，故自號曰醉翁也。醉翁之意不在酒，在乎山水之間也。山水之樂，得之心而寓之酒也。若夫日出而霏開，雲歸而巖穴暝，晦明變化者，山間之朝暮也。野芳發而幽香，佳木秀而繁陰，風霜高潔，水落而石出者，山間之四時也。朝而往，暮而歸，四時之景不同，而樂

亦無窮也。至於負者歌于塗，行者休于樹，前者呼，後者應，伛僂提携，往來而不絕者，滁人遊也。臨溪而漁，溪深而魚肥，讓泉為酒，泉香而酒冽，山肴野蔌，雜然而前陳者，太守宴也。宴酣之樂，非絲非竹，射者勝，奕者中，觥籌交錯，起坐而喧嘩者，衆賓醉也。蒼顏白髮，頽然乎其間者，太守醉也已。而夕陽在山，人影散亂，太守歸而賓客從也。樹林陰翳，鳴聲上下。

遊人去而禽鳥樂也。然而禽鳥知山林之樂，而不知太守之樂其樂也。醉能同其樂，醒以述其文者，太守也。太守謂誰？廬陵歐陽修也。嘉靖三十八載己未，新正春雨，山齋篝燈，漫書文忠公醉翁亭記，并述小景，以污佳卷。取誚大方家，所不避也。謝時臣鈐印三。姑蘇臺下逸人嘉靖己未時，臣年七十有三。樗仙。

引首

御筆 興懷同樂 鈐寶一乾隆御筆

鑒藏寶璽

八璽

陸治蔬圃圖 一卷

本幅絹本。縱七寸五分。橫六尺四寸。水墨畫
草筍。芡。蘆。菰。松。菱。慈。菇。芋。薺。茄。荷。葉。及。蚶。蛤。
麴。螺。黃。雀。斑。魚。具。庚申首夏六日。包山陸治
作蔬圃圖。鈐印四。和豫堂。陸叔平氏。二不可
辨。

鑒藏寶璽

八璽

謹按陸治字叔平。號包山。王世貞稱其游祝
文二先生門。其於丹青之學。務出其胸中奇。

以與古人角一時幾與文先生埒

徐渭潑墨十二種 一卷

本幅宣德牋本十二幅。每幅縱七寸七分橫一尺二寸。水墨畫第一。溪上老梅。落花游魚。自題梅花浸水處。無影但涵痕。雖能避雪壓。恐未免魚吞。第二畫王羲之換鵝故事。自題右軍本清真。瀟灑出風塵。山陰遇羽客。邀此好鶩賓。掃雪寫道經。筆精妙入神。書罷籠鶩去。何曾別故人。第三畫石際幽蘭作三花。自

題醉抹醒塗總是春。百花枝上綴精神。自從
畫取浙蘭後。更不開題與別人。第四畫桐陰
對奕。童子旁觀。自題。閑看數著爛樵柯。澗草
山花一剎那。百五年來碁一局。仙家歲月也
無多。第五畫荷葉花實各一。自題。若耶溪上
好風光。無人採取獻吳王。西施一病經三月。
數問荷花幾許長。第六畫醉客扶童。自題。玉
林醉仙吾故人。畫出醉仙無限春。今日欲見

不可見。但見圖畫傷吾神。畫出醉仙醉欲倒。
我亦大醉不知曉。東方天白瓦露燥。猶恨歸
家何太早。第七畫古石黃菊。自題身世渾如
泊海舟。闌門累月不梳頭。東籬蝴蝶閒來往。
看寫黃花過一秋。第八畫層巒懸瀑。二人延
望。自題瀑布挂江北。望者江南猜雪花。那不
到。霹靂過江來。第九畫稻穗巨蟹。自題。誰將
畫蟹託題詩。正是深秋稻熟時。飽却黃雲歸

穴去付君甲冑意何為第十畫松石間坦腹
自題眠松坦腹腹便便箇是高人松畔眠子
美詩中何句似舉觴白眼望青天第十一畫
蕉竹各一自題紅棘黃荆樵斧歸芭蕉學畫
指如椎中間一葉渾相似記得前生蓋鹿來
第十二畫蘆叢漁艇野鳬羣集自題野雁避
羅舫江長起未高眼拚一餉後看到入雲梢
無名款每幅分鈐印孺子徐渭之印青藤居

士文長綳管齋

御筆分題行書

澹沱春波時。上有橫斜枝。落英貼波面。游魚趣
嘖之。鱗類具卓識。愛此冰玉姿。勝點壽陽額。徒
然汚粉脂。寫經畢。便持鸞。返書聖。千秋孰與
同。可笑獻之太狂放。擬稱跨竈勝斯翁。一筆
成一石。數筆成數蘭。皆以不經意。並作如是觀。
入山王質一人耳。或曰觀碁。或聽琴。記載失

真有若此更何須向斧柯尋述異記載王質入
山伐木見童子碁而歌俄頃視斧柯盡爛而水
經注則云見童子彈琴而歌同記一人事而二
說互異事本無稽琴與碁更不必深辨耳荷
葉荷花照秋水搖風無力還相倚淡墨寫意弗
寫形恰似野人不衫履便饒十里錦霞香圓鏡
歸根皆若此那見游魚闌幹游應是波心嗽蓮
子沈酣酒人之肆顏蕩天子之前目無一世

而何有於高力士之威權一鏐在側置以鸛鵒
之杓將舉觴白眼而望青天非遇賀知章千載
之下又誰知此名傳適以自誤脊上樓船是可
悲也嗚呼謫仙渭自題目其友為玉林醉仙王
林之為人既無可考即或醉鄉疎放亦何足稱
仙故不若太白為可據因詠白事以當之落
落一卷石疎疎幾朶新盡得風流趣菊石傳其
神刻畫丹青者應非知菊人高人攜手立江

千瀑水當前縱目觀瀉出誰知本天上落來惟
見自雲端便教俗耳聽猶靜那見塵心浣以寒
一晌可親儀表在千秋欲識姓名難水鄉稻
熟時始得有肥蟹夜深出沙岸蟹稻彭亨乃漁
者善謀取緯蕭斷以採持向街頭鬻煎寒佐盃
醺何如伏泥中郭索常無悔松下箕坐優游
颯杳松風上流已得通明高致三層那藉為樓
兩三綠蕉葉幾箇翠竹梢清風與之宜冒映

成蕭騷。隨緣作舒卷。相依為殢。敲焦墨。一淡掃。
寫意何超超。蕉心其中無竹幹。惟外。可作枯。
禪叅那論先後凋。秋風入叢蘆。秋意頓清殊。
獨坐一輕舫。驚飛幾野鳬。應慚有機識。那學憶。
蓴鱸。作者豈無意。將因入五湖。丁亥春日御。
題每幅分鈴寶。漱觀乾隆乾隆宸翰。幾暇怡情。
比德朗潤。得佳趣。掬水月在手。會心不遠。德充。
符。

鑒藏寶璽

八璽全

謹按徐渭字文長。山陰人。知兵好奇計。遊胡宗憲幕府。宗憲下獄。遂發狂。詩文絕出倫輩。善草書。工寫花草竹石。入明史文苑傳。

孫克宏畫盆蘭 一軸

本幅宣德牋本縱三尺六寸八分橫一尺二寸水墨畫盆中蘭石款戊申季春寫於敦復堂克宏鈐印二孫允執漢陽太守章又題處為幽谷香出為王者瑞不同百草生秋風紉成佩并題鈐印二貧而樂雪居有張照題

御題行書

見乾清宮所藏御筆仿孫克宏盆蘭軸

辛丑初秋用慎中張照韻御題鈐寶二古希天

子猶日孜孜

去年看花清涼宮千枝萬枝香翁蒙今年看
花老屋下小院秋風白月夜妖紅難紫紛不
記獨愛此花同靜老形不墜羅列宜臭味几
照映亦滿灑脩能起爾不敢佩出處同心時
復把它時九晚賴娛老絕勝然竹與陶寫康
熙壬寅隨

仁皇帝

避暑熱河寢門外列秋蘭數十頃時得坐
其下雍正癸卯京師過夏惟研北數枝而已
因作此詩甲辰藝蘭無花獨對此畫即復書
此張照鈴印三北野張照之印得天

王池

御筆 賞寄幽芳

鑒藏寶璽

八璽

古希天子壽八徵耄念之寶五福

五代堂古稀天子寶

收傳印記張照私印

謹按孫克宏字允執承恩之子以父任授應天府治中擢漢陽知府莫是龍云雪居士好游戲於丹青花鳥生意下筆輒得其妙好寫梅竹蓋亦有雅尚云

宋旭畫山水

一卷

本幅宣德牋本縱七寸七分橫七尺八寸五分
水墨畫山墅水村密林曲嶼征帆破浪危
棧梯雲柳陰下漁艇停泊二人坐談坡陀石
上款嘉靖丙寅秋暮石門宋旭寫於雲間之
圓通精舍鈐印二初陽石門山人

御題行書

竹籬茅舍帶江村萬壑千巖勢吐吞山靜無雲

遮玉宇。雨餘有水到柴門。仙家雞犬那聞吠。世上簪裾且漫論。不著桃花林夾路。恐防認是武陵源。
壬午春日御題鈐寶二比德朗潤

鑒藏寶璽

八璽
金

收傳印記項元汴印其永寶用

宋懋晉溪山春信圖

一卷

本幅素牋本縱六寸。橫八尺五寸。設色畫。疊嶂流泉。橋梁村落。款宋懋晉鈐印二。一字明。

叔宋懋晉

鑒藏寶璽

八璽全

謹按宋懋晉字明之松江人從宋旭受業。系以宋元遺法。

趙左寒厓積雪圖

一軸

〔本幅〕絹本。縱六尺六寸。橫二尺三寸七分。淺
設色。畫高厓積雪。寒林中。時露村舍。款寒厓
積雪。丙辰仲夏十日。華亭趙左。鈐印二。趙左
之印。文度氏。

鑒藏寶璽

八璽

乾隆鑒賞

謹按趙左字文度。華亭人。學於宋旭。其畫宗
董源。兼有倪黃二家意。載松江志。

莫是龍畫山水 一卷

〔本幅〕金牋本。縱九寸六分，橫一丈一尺八寸。
淺設色畫溪山村落。紅樹遠帆。自題萬壑千
巖秀復明。披圖正覺洒然清。宗生不用貪遊
屐。宛向山陰道上行。徐文卿江海勝士。有宗
少文好遊之癖。余作此卷。贈之齋頭。自是文
卿几席間。有山水清音矣。莫雲卿鈐印三。秋
水生。廷韓父莫雲卿。

後幅莫是龍自題

余生平雅好書畫壯年精力半疲於此雖未
使詣古人然當其得起合撰往往不惡遂為
交游中好事者所賞徐文卿氏少同微尚嗜
古博雅情深范張難黍之遊意共米薛圖書
之癖每風晨雨夕對山臨流輒以執事追尋
杖策俱往所得余之狂墨顧者不一而足偶
寒夜過從出此卷見示余方自愧悔其法之
不工而哀然成帙大可笑也昔倪元鎮自愛
其筆札非一時交契當代名流不妄與之書
畫求亦不應應亦不能復佳余不能比美倪
也而文卿氏之翩翩文雅固余意味之所存
也漫題數語以記年月時辛巳冬十一月朔
日書友弟莫雲卿廷韓甫鈴印三石秀軒廷
韓莫雲卿印

鑒藏寶璽

八璽

收傳印記百福庵烟霞閣藏

吳彬山陰道上圖 一卷

本幅素牋本。縱一尺。橫二丈七尺。設色畫千

巖萬壑勝景。款山陰道上圖。篆書自識石壁米

仲詔先生才品高古。其緒業直駕襄陽氏而

上。寓內仰止者。襲其書畫詞翰。不啻珙璧。余

幸神交於辛丑冬。識荆於丁未歲。頃先生拜

邑侯之命。治古棠。以此長卷索圖。圖雖勉彙

晉唐宋元諸賢筆意。就正。恐莫肖古人風韻。

之萬一而類乎東施效顰醜態盡露觀者無
不捧腹而遨先生無亦嘉其志向遂授一匕
刀圭俾之解容生平願足又奚敢望西子哉
則先生以謂何如如先生必曰妍媸者本來
面目孰能點化若欲脫胎其匿跡元修深惟
未孩之際先生意在斯乎時萬曆戊申歲冬
日枝隱生吳彬識鈐印四吳彬字曰文中一
枝棲吳文中印吳彬之印

御題行書

逸少昔行山陰道曰如遊向鏡中矣奇談乃引而未發能者從之文中是善工人物狀奇怪而其所長實山水自立門戶不多見見斯信可歎觀止。皴弗用墨用本色。一節即非人能已千巖萬壑互磅礴疊樹飛泉幻隱起垂峯欲落空與扶行雲疑變石為體屋宇點綴各得當畫態極妍難議擬而皆超情以入神駭目洞心契元理

山陰我向亦一遊。幾曾光怪有如此。長歌用誌
始遇欣。萬鍾可悟未孩旨。甲辰春閏上澣御
題。鈐寶二。會心不遠德充符。

引首

御筆 神超別撰 鈐寶一。乾隆御筆

題籤

御筆 吳彬山陰道上圖。逸品珍賞。 鈐寶一。乾隆宸

翰

鑒藏寶璽

八璽全

古希天子五福五代堂古稀天子

寶壽八徵耄念之寶用筆在心煙雲無盡藏

〔收傳印記〕米萬鍾印米氏秘玩東山臥客米

仲詔收藏圖書趙氏家藏圖書

劉原起畫雪景

一軸

本幅素牋本。縱四尺三寸九分。橫一尺九寸。
淺設色畫。孤塔寒林。山椒亭院。磴道上兩人。
遊陟。一僮挈茗已登。一僮挾琴隨後。款庚午
冬日。寫憨憨泉小景。劉原起鈐印二。劉振之

氏原起

上在石

御題行書

宰堵雲標白玉簪。良朋踏雪喜相尋。揖歸竹院

路猶遠。佇俟奚僮冷不禁。丙申仲冬御題鈴

寶二乾隆

鑒藏寶璽

全八璽

取傳印記王氏岡齡珍玩醉月居沈德潛印

謹按劉原起初名作以字行更字子正師錢
叔頗肖其神見吳縣志

董其昌臨鍾王帖 一冊

本幅高麗牋本十葉。縱六寸二分。橫六寸八分。前五葉節臨鍾繇力命墓田戎路三帖。後五葉節臨王羲之曹娥碑王獻之洛神賦十三行。間有識語。後有陳繼儒跋。臣繇言力命之用。以無所立。惟惺之謀。而又愚耄。聖恩垂矜。待以殊禮。天下已定。唯有江東。當少留思。墓田兩舍。欲使一孫於城西。一孫於都。

尉府此繇家之嫡正之良者也。兄弟共哀異
之。都尉文岱自取禍痛賢兄慈篤情無有已。
一門同恤。助以悽愴。如何如何。自識趙吳
興云。蘭亭與丙舍帖絕相似。丙舍雖鍾帖實
右軍也。鍾書以戎路為正。戎路艱難。屢
險冒寒。臣以無任。不獲扈從。即日長史遠充。
宣示命令。知征南將軍。運田單之奇。癘憤怒
之衆。與徐晃同勢。并力殲滅凶逆。應時剋捷。

傳方反覆。胡脩背恩。天道禍淫。不終厥命。望
路載笑。踴躍逸豫。因便宜上聞。自識此為
吳郡韓宗伯所藏宋榻。與世間榻本形類。而
意迫絕。蓋國初宋克亦學戎輅。因失其意。遂
成俗體。如急就音釋是已。鍾為右軍源流。右
軍筆陣云。字如算子。便不是書。豈若世傳鍾
體了無騫翥之勢耶。元宰識鈴印一董其昌
何者。大國防禮自脩。豈況庶賤。露屋草茅。

不扶自直。不鏤而雕。哀此貞勵。千載不渝。越
梁過宋。比之有殊。自識曹娥碑真跡。宋高
宗有跋。元文宗以賜鑒書博士柯九思。趙吳
興再跋。余館師韓公得之長安。有歷代題識。
宋高宗但題云。晉賢曹娥碑。絹黯墨渝。僅可
想見字形耳。嗟佳人之信修。羌習禮而明
詩。抗瓊瑤以和余兮。申禮防以自持。願誠素
之先達。解玉珮以要之。恨人神之道殊。陳交

接之大綱。雖潛處乎太陰。長繫心於君王。忽
不悟其所思。悵神消而蔽光。自識洛神十
三行。宋賈秋壑得完本。元時陳灝以貽趙吳
興。吳興集有詩記其事。今世所傳僅宋搨。亦
難得佳本。惟武進唐太常家藏。筆意精采。不
減真跡。予曾借臨。為友人奪去。後令人就太
常摹。乃以吳傳朋所跋本應。非原帖也不見
太常本。難以定洛神賦甲乙。戊申寒食後七

日。董其昌書。鈐印二。太史氏董其昌印。先
太史墓。在震澤璆洋山。每歲拜墓。輒憩靈巖
村居。留連旬日。閒弄筆墨。以破寂寥。今年寒
食。過數日。猶未有茶。欲採茶先墓。歸薦祠堂。
雨窻漫興。為鍾王楷書各數行。明日修禊之
辰。恨紙無餘地。不及寫蘭亭也。其昌。鈐印一。
董其昌。

元宰見客索書如選洲明入禱不無掛眉之
苦。此却為于蕃反覆摹古。又恨紙縮。正為知

已。一張墨池中波斯寶船耳。于著由吳門過
九峯訪余兩人。恰當樓笋時候。雖錦囊寂寂。
得此一卷。亦足供綠樹間一餉清生也。繼儒
題鈴印二。醇儒。

前副葉刻鵠不成 元宰自題鈴印一 董其

昌印

鑒藏寶璽

八璽
全

收傳印記張則之

董其昌臨十七帖

一卷

〔本幅〕綾本。縱八寸。橫一丈七尺二寸。草書。十七日先書。郗司馬未去。即日得足。下書為慰。先書已具。示復數字。吾前東粗足作□□□為逸民之懷久矣。□□□□方復及此。似夢中語耶。無緣面言為嘆。書何能悉。龍保等平安也。謝之甚遲。見□□舅可耳。至為簡隔也。今往絲布單衣財一端。示致意。計與足下別。

廿六年於今。雖時書問。不解濶懷。省足下先
後書。但增歎慨。頃積雪凝寒。五十年中所無。
口口口常。冀來夏秋間。或復得足下問耳。比
者悠悠。如可言。吾服食久。猶為劣劣。大都比
之年時。為復可。可。足下保愛為上。臨書。但有
惆悵。知足下行至吳。念遠離不可居。叔當西
耶。遲知問。瞻近無緣省告。但有悲嘆。足下小
大悉平安也。云卿當來居此。喜遲不可言。想

必果言告有期耳。亦度卿當不居京。此既辟
又節氣佳。是以欣卿來也。此信旨還具示問。
天鼠膏治耳聾。有驗不。有驗者乃是要驗。朱
處仁今所在。往得其書信。遂不取答。今因足
下答其書。可令必達。足下今年政七十耶。知
體氣常佳。此大慶也。想復懃加頤養。吾年垂
耳順。推之人理。得爾以為厚幸。但恐前路轉
欲逼耳。以爾要欲一遊目汶領。非復常言。足

下但當保護。以俟此期。勿謂虛言。得果此緣。
一段奇事也。去歲得足下致叩竹杖。皆至此。
士人多有尊老者。皆即分布。令知足下遠惠。
之至。省足下別疏。具彼土山川諸奇。揚雄蜀。
都左太冲三都。殊為不備。悉彼故為多奇。益。
令其遊目意足也。可得果。當告卿求迎少人。
足耳。至時示意。遲此期真以日為歲。想足下。
鎮彼土。未有動理耳。要欲及卿在彼。登汶領。

我眉而旋實不朽之盛事。但言此心以馳于
彼矣。彼鹽井火井皆有不足下目見不為欲
廣異聞具示省別具足下小大問為慰。多分
張念足下懸情武昌。諸子亦多遠宦。足下兼
懷並數問不。老婦疾篤救命恒憂慮。餘粗平
安。知足下情至。旦夕都邑動靜清和。想足下
使還具時。州桓公告慰情企足下。數使命也。
謝無逸外任數書問無他。仁祖日往言尋悲。

酸如何可言。嚴君平司馬相如揚子雲皆有
後不胡毋氏從妹平安。故在永興居。去此七
十也。吾在官諸理極差。頃比復匆匆來示云。
與其婢問來信不得也。五帝以來備有畫。又
精妙甚可觀也。彼能畫者不欲因摹取。常可
得不信具告。往在都見諸葛顯曾具問蜀中
事。云成都城池門屋樓觀皆是秦時司馬錯
所修。令人遠想慨然。為爾不信。示為欲廣異

聞得足下旃蜀胡桃藥二種。知足下至戎塩
乃要也。是服食所須。知足下謂須服食方回
近之。未許吾此志。知我者希。此有成言。無緣
見卿。以當一笑。彼所須此藥草。可示當致。青
李來禽櫻桃。日給藤子。皆囊盛為佳。函封多
不生。足下所疏云。此果佳。可為致子。當種之。
此種彼胡桃。皆生也。吾篤喜種果。今在田里。
惟以此為事故。遠及足下。致此子者。大惠也。

知彼清晏歲豐。又所出有異產。故是名處。且山川形勢乃爾。何可以不游目。虞安吉者。昔與共事。常念之。今為殿中將軍。前過云。與足下中表。不以年老。甚欲與足下為下寮。意其資可得小郡。足下可思致之耶。所念故遠。及新安吳太學。以館本十七帖見貽。復以此卷索書。今日涼風乍至。齋閣蕭閒。遂臨寫一過。以歸之。質之原本。亦可彷彿耳。董其昌鈐。

印三齋
半太史氏
董元宰氏

鑒藏寶璽

八
金璽

董其昌臨張旭郎官壁記一卷

本幅綾本。縱八寸三分。橫一丈四寸。草書。尚書省郎官壁石記。朝散大夫行右司員外郎陳九言撰。吳郡張旭書。夫上天成象。北極著于文昌。先王建邦。南宮列為會府。六官既辨。四方是則。大總其綱。小持其要。禮樂刑政。于是乎達。而王道備矣。聖上至德光被。睿謀廣運。提大象以祐生人。躬無為以風天下。三台

淳耀百辟承寧。動必有成。舉無遺策。而猶披
擇茂異。網羅俊逸。野罄蘭芳。林殫松秀。盡在
周行矣。夫尚書郎廿四司。凡六十一人。上應
星緯。中比神仙。咸擅國華。以成臺妙。修辭制
天一之議。伏奏為朝廷之容。信杞梓之數澤。
衣冠之領袖。頃朝榮初拜。或省美中遷。昇降
年名。各書廳壁。刊石為記。不其偉歟。張長史
郎官石記。懷素自序。魯公贈言。所謂楷法精

詳特為真正者也。又有草書一帖并臨之。董其昌鈐印三。元賞齋其昌之印元宰。

引首張照識

董尚書臨張長史尚書省郎官壁石記草書真蹟。上上神品。鈐印二。張照之印。得天。

後幅高士奇跋

董華亭臨張長史書。平神通肖。初視之。不知為華亭書也。跋尾三行。楷法精妙。遂見本色。至其縱橫變幻中。都有一段秀色可餐。非祝友山王稚宜。但以沈著擅長耳。百餘年後。當與琛珙並重。康熙癸酉十月四日。裴成謹志。時在柘湖簡靜齋。連日風雨。變寒。菊花始放。

飯後酌松醪微醉并記之江村高士奇鈐印
五竹窓冷澹生活士奇高澹人僕本恨人

名入都。甲戌九月十七日應
丁丑十月廿一日請養還里戊寅三月十二

日晴齋展閱董蹟三十餘種對牡丹花書藏
用老人鈐印二高唐事藏用老人壬午嘉
平五日積雪既寒同兒與觀之慨軒兒物化
兩年為之不樂士奇鈐印二

賜號竹窓燕香園

鑒藏寶璽

八璽

收傳印記卧庵老人朱之赤鑒賞北野清吟

堂秘笈印高士奇圖書記真知此中之妙

董其昌書杜甫三詩一卷

本幅鏡面宣德牋本。縱八寸。橫三尺八寸。行
書。孤雲不羣遊。神物有所歸。麟鳳在赤霄。何
當一來儀。往與惠詢輩。中年滄州期。天高無
消息。棄我忽若遺。內懼非道流。幽人見瑕疵。
洪濤隱語笑。鼓枻蓬萊池。崔嵬扶桑日。照耀
珊瑚枝。風帆倚翠蓋。暮倚東皇衣。嚙漱元和
津。所思烟霞微。知名未足稱。局促商山芝。五

湖復浩蕩歲暮有餘悲。此早宿賓從勞仲春。
江上麗。飄風過無時。舟楫不敢繫。回塘澹暮
色。日沒衆星鳴。缺月殊未生。青燈死分黯。窮
途多雋異。亂世少恩惠。鄙夫亦放蕩。草草頻
卒歲。斯文憂患餘。聖哲垂象繫。宿繫石流南岳自
茲近。湘流東逝深。和風引桂棹。春日漲雲岑。
回道過津口。而多楓樹林。白魚困密網。黃鳥
宣嘉音。物微限通塞。惻隱仁者心。筮餘不盡

酒。膝有無聲琴。聖賢多寂寞。眇眇獨開襟。

杜工部古詩三首。丙寅四月書。倣聖教序。

其昌。鈐印二。宗伯學士董元宰有張照跋。

公書此。年蓋七十餘矣。云學聖教序。兒相之
無絲毫似也。夫豈漫以茲後世。七十老翁何
所求哉。誠于此頂額有眼。許與共學書。乾隆
丁巳又九月二十七日。張照記。鈐印二。照得
天。

鑒藏寶璽

八璽

收傳印記張晴崖書畫記縕真閣珍藏記爐

烟當畫引揮毫。清河張若靄晴嵐氏珍玩之。
章濠梁之上。若靄晴嵐居士。

董其昌書畫合璧 一卷

本幅絹本。縱七寸五分。橫五尺八寸五分。
三段。前行書唐人詩。桂楫中流望。空波兩岸
明。林開揚子驛。山出潤州城。海盡邊陰靜。江
寒朔吹生。更聞楓葉下。浙瀝散秋聲。浩然居
士樓頭廣陵坐。九月在南徐。秋色明海縣。寒
烟生里閭。夜帆歸楚客。昨日度江書。欲問逃
名叟。垂綸不見魚。龍標胡馬大宛名。冰稜瘦

骨成竹披雙耳峻風入四蹄輕所向無空濶
真堪托死生驍騰有如此萬里可橫行子美
瘴海寄雙魚中宵達我居兩行燈下淚一紙
嶺南書地說炎蒸極人稱老病餘殷勤報賈
誼莫共酒杯疎隨州井邑傳廢上容亭雲霧
間高城眺落日極浦映蒼山岸火孤舟宿魚
家夕鳥還寂寥天地暮心與廣川闊右丞請
告嚴程盡西歸道路寒欲陪鷹隼擊猶戀鵲

鵠單洛邑人全少。嵩高雪尚殘。滿臺誰不故。
報我在微官。司直中水墨畫山坡林屋。歎其
昌為季良兄寫意。鈐印一。其昌。後行書論書
語。至前一日大雪。起坐窓軒。研池冰似黃河
未泮。可以度馬。遂以真之大壚墨。調即展此
幅。為書小行體。稍倣米痴。以破寒氣。殊有子
猷泛雪之興也。因思晉人書有韻致。而無雕
繪。唐人有書學。而無書度。元惟趙學士有書。

人之學宋惟米襄陽有晉人之韻。若使襄陽生江左山陰間。故當不啻羊欣僧虔也。昔人論畫有筆法。有墨法。有有筆無墨者。有有墨無筆者。余謂書亦然。今人知有筆法而不知有墨法。故雖極力摹寫。只得位置結構耳。時流易趨古意。難復專為墨法。必有賞激予言者。一起一止。是古人所重。一轉一折。是古人所重。其中有運化。則知利劍切泥。畧無留滯。

書忌單弱不厚重。然非墨豬為厚重也。要得
藏筆多。潑墨少。而有蘊蓄耳。觀右軍破羌帖。
而可得窺一兩斑。政是覓解人難。勢如鳳翥。
驚翔跡似奇。而反正。晉人真跡皆似翻右者。
此向來無人拈出。予曾為馮咸甫言之。咸甫
絕倒稱奇。字要天真盎然。不拘繩削。為與王
右軍血脉相通。故顏尚書一生書法。惟草稿
為直接晉人。米南宮筆法。皆出于此。但無真

御老骨而稍近于俳黃山谷自謂學顏書顏
子瞻亦學顏書然無可證佐處古人脫窠臼
非規規樣子至謂倪迂楷得黃庭筆法則非
吾所知趙松雪初年真書全學鍾太傅後一
變為李北海王右軍然學李處雖逼真而失
古淡之趣李書最是難似董其昌戲書鈴印
二董其昌印董元宰

後幅朱彞尊題跋

書至右軍而韓文部目以俗字。信夫安媚之不可尚已。近董華亭墨跡徧海內。多以安媚之見長。似此中藏骨肋。而外極自護。尤未易為。按堂收集金石刻甚富。而椎拓雖工。然未若真跡之神韻生動也。小長蘆朱吳草。瑞時年八十九。鈴印三。南洞朱彝尊。此竹垞。

鑒藏寶璽

八璽

收傳印記。季良汝南世家。休寧朱之赤珍藏圖書。朱之赤鑒賞。